

后溪集
序

共
四

^ 16
2441
2



和
2441
卷4-2

2

后溪集詩二

豐城趙裕壽毅仲 著

次卧仙堂前守蔡令彭胤留韻

不佞於執事雲龍之逐有願而風馬之接無緣同
世至老未得一當昔歲瀛嶽既失交臂今承班後
鴻燕又背此亦吾儕小缺陷也然而壁間藻墨猶
留典刑樓下湖山且付公案不知何以得此於無
雅之地也黃紙寫本謹已幻入於紗籠之中不自
量而猥續上頭又有前後島一迹體不敢戲拙一
覽之間足以知楓落之誤竊也

一自書堂賜長暇試民事處境皆閑樓亭編泐墨猶



濕湖海徑歸人莫攀宦蹟猥承黃石後詩名敢在白
元間不須遙為江山賀風景如今已背山

遊前後島

朱峽清江錦峽山水回為島若雙丸中郎屢訪桃花
境東岳曾窮竹節灘初起卧仙騎馬徃且催漁吏打
魚還牧童歸嶼牛浮鼻寧識雙駒是長官

次喚睡亭壁上韻

晚衙放了日猶長侍妓來安午寢床朱府舊補官少
事卧仙元與睡同鄉鈴童亦任如。鼫漁吏休羊言鱸
鯽香誰喚使君眠徑風從樓角入吾堂

嚴虛舟主簿慶遇為董璿閣役而來 戊申

行人奉檄下雲端昨日城霞忽起丹高士不妨為主
簿客星今復應即官詩聲愧我名樓倚釣處因君片
石安欲說秋曹別來意清樽銀燭更相看

吳右相海恩命恒挽

故人稚笏敬如初尚念瑩乾費响噓曾勸長公休課
讀功名當過老尚書

飛歸千里訣慈顏泣血三年栢染丹元自忠臣從孝
子 主危還據仗波鞍

摠督尚書夜啓行 九重分給羽林兵直慶安竹因

踰嶺漢水東南叛氣清

南樓受馘朵雲紅贊拜中興第一功
揮金花何足貴君恩七寶欲粧公

大拜之初便欲休東湖已具五湖舟
如何反促騎箕去都釋高平進退憂

哀聞 君王屢室皇禁橋辰哭泣詔璫其歸
更欲臨門送咫尺興仁許殯塋

夜恣風雨有餘哀今望公行又一開點
十燈箭橋路火城猶擁相君來

杜野樊莊第伯居中臨沙苑有吾廬
巾車所陌相尋

約寥落寒郊鳥度餘

又排律二十韻

昨屬王家難公時在本兵神鈴連告警
將鉞孰專征錯莫非心苦蒼黃國勢傾
羣臣無副急一介獨未行半夜仍辭闕
中途便披營風旗回指賊露布上傳京
歸卒金花艷元戎鏖甲明陣前來敵
馘樓上召宣觥鐵券初申誓金甌更覆名
將軍作丞相武士愧儒生帳裏鋒纒脫
朝端鏞又鳴鳩方萬里想馬忽五更驚
聖悼亡舟棹軍情哭父兄猶生搆閣面
已屹象山塋天地勲堪塞山河氣未平
論才文武盡節惠孝忠并

古謚無兼大天書有定評埋猶依舊隴殯近許王城
玄甲隨長陣悲歌去闕散哀詩擬柳雅章是破安清

次軸中韻贈金剛僧至禪

茅齋晏起起茶烟寥落江郊歛獲天方恠仙山宵入
夢鉢淵僧已立門前

至公復來請詩次卷中韻

單衲風寒雪縞眉三來乞句不知疲還山應向惠休
說行盡人間無好詩

次延俾金明仲白俾李一源

東湖池南大池韻
芥舟魯泛小方塘今日南池見大方草近恍疑通渤

浪蓮糝全不受天光銀川翠蓋爭如葉碧府紅荷亦
遜香妓空藕絲人膾玉羨陂雖遠莫歸忙

孝章世子挽章三首

代作

姆日紈衣尺師言已熟經翻雖同聖質武未得文齡
吉夢龜無驗真遊鶴不停孝章新賜謚應為似前寧
出閣詳安步臨筵儼穆儀容莊踈宦妾禮絕待賓師
講肆無多闢宮僚不盡悲家歲九齡字環若賜臣私
風雨漂搖際乾坤震盪中甫安天北極胡喪我東宮
民望孤迥頌君勞孰替躬當時漆女哺猶念魯儲冲

江監直中次吳學士子長送元韻已酉

琉璃初圻露梁水南岸樓臺空
鷗意已懽波蕩漾草心猶卷
谷巖凝寧論一夢金蓮燭還是
前生鐵炷燈何不歸依詩酒社
看君非俗亦非僧

喜禪上人復至

嶺冰難借五丁開一錫從何得
來飯鉢獨留潭上掛詩囊借出
杖頭搯談禪每難玄亭義勸退
同書茶閣灰發卷篇生秀色也
知龍象負山迴

江監直中記江鄉時物要吳子長

鮮般踴到米船前先簇檣竿麻
浦邊石首嘗新初剝玉青魚過
節不論錢何功散吏厭堂饌似
是倉曹無

利權欲設河豚喚梅二萼并漸長
桃花然

歷子長見方印西坡集再疊前韻

新州青草水倉前春晚殘花照
兩邊漕鷁始來炊有米河豚雖上
買無錢文章兒在能傳印風月仙
亡孰主權衰散陳黃詩亦退小坡
相對感油然

江監雨中設河豚會吳子長三兄
李昂從洪甥俱集以摩詰雨中春
樹一聯分韻得雲字

殘花不恨打枝紛一兩欣看麥
若雲添蓋綠醞深發許漫篙青
漲長三分牌收學士同元亮俸
減倉官似廣文又是蓴魚上水
候何由膾玉更招君

李都正堂挽

蓬山子姓壽仙及第五風姿更頽醜
常杜城南花爛熳春津庭內氣融和
老成日謝誰悠久榮艷春歸太
剝邦尚記肩輿尋小巷當時少友亦頭皤

次諸君所得韻

寒官小設費經營
寮俸添成效五鯖常膾初香堪下
酒蘆豚不怒莫懲羹空嗔薄晚奴迴市
多晷衝泥客出城底向廣文圖一飽
縣君應復笑卿右子長城字
冗官無掌詎開倚幸免陳紅壓帽紗一紙方脩顏老
帖五升邦糴杜陵家西風船到維新柳今兩人來踐

濕花縱戀江鄉蝦菜美若為蕪却故園瓜右士受家字

挈音鴉軋足音疑來信雖微輒拓窓
越客似人猶喜倒黃隣說鬼任荒
吃龍山日飲何須九南礪時遊不
待雙縱道西湖竹枝好東湖詞典
詎甘降右士昂家字

君才誰有薦輪困舊物家猶有鼎
茵茂學如吾何足似為詩訶祖
近逾新江郊赴會衝泥遠雨閣微
題染翰句款共羊甥娛晚暮西州
當醉幾番春右德輿春字

雲也去四日得諸詩至

倏爾雲歸倏爾來前詩持作後詩
媒入門喜舞如迦葉云得一派新句迴

江監直中騎船訪廣倉守林退伯世讓

岸麥風淒歎夏衣舟過玄石已思歸龍山詩獨繩方
好粟鳥賦如秋老稀兒競漉魚穿水入穀初成燕統
洲飛三江幸作東西長浮宅往來須莫遠

溪村霖雨中記即事仍寄漱玉柳居士

溪村忽有江湖想已見人撐艇子來先往橋西輸濕
麥趁炊仍網小鮮迴

雲也得新太學士詩衝暑來索和

冷門殊未覺炎天貧巷猶生纓麥烟瀑隊土潭成垂柳
下溪高艇到上村前木陰涼不分持國疏氣詩唯和

皎然可念烏衣文武姪此時斤擔歇無緣

次曹偉叔夏奇 魚樞慶壽帖韻

若人真淡世知稀吾泊相遭共褐衣如牧犢翁身兩
廓同磨蝎命事多違相看蓬髮參差老敢望銀緋次
筭輝判事亭前江正潤恩榮酬了可同歸

倉池雨中荷花盛開

逆踏芙蓉兩脚狂紅顏翠側不成粧何須白絮連橋
到荷量明珠入太倉

白兩清颺暑搜涼米塵淘盡有荷香倉官何與風流
事猥頌紅蕖百隊粧

處暑明日夕雨始晴

斷送殘炎雨亦晴
樹頭風已颯然清
水畦經水犁重
入柳渡見沙舟未行
田廡我將農易仕
江湖誰自爵
嬰情郊居秋令如相促
又聽林蟬第一聲

次龍山雅戲帖韻

眠起徘徊影在傍
于時明月出心房
秋晴處閣先蕭瑟
潦縮寒江尚盛長
蓼暎菊英行繞砌
似衫荷葉半棲塘
隨風隨雨那無會
九日龍山有故常
散官身計合棲郊
艱葺溪堂蔭白茅
新米相須唯里老
漁樵互答有鄉交
北泉何意新添怒
南岳無端又

敲嘲應為猶帝五斗料水倉
催直每煩稍

耽眠宜受後生嘲
時後吟詩亦不抄
霜重先收西掩栗
風高更縛草堂茅
窺籬犬吠渾如豹
穿柳魚餘欲聘猫
此乃東柯秋意趣
不知湖上近何文

荷柳微凋直閣涼
草虫初入冷官床
日斜鹽市喧麻浦
江淺漁舟集露梁
監粟未周葭叟餓
得錢唯恣放
翁狂白頭添社君
應笑詩似秋花減色香

東湖漫詠一章贈松石主人赴燕

松石翁登白玉堂
東湖一半久虛涼
方期休暇歸陶墅
何又馳驅入潘陽
征蓋不結沙花柳
釣竿遥覆蘆

丘壘也應燕館孤清夢及在烟波載留航

舍後治石田種粟豆監穫作

年至停作郡會事在農作雖居郭南村本無田員郭
覓地鷹峰顛種豆耕犂塉龜背得毛否野人嘲望獲
霜風墮嶺穀莊客腰鎌往仍催輸結僮自行荷篠丈
吾田大高廓刈處頗漢廣監獲縱飢劬粟飯歸可享

寄題閔君望就良新剏蓮亭

竹軒東畔抗蓮亭綠葉朱華遠不零繞塢映孤翳
：八池春澗暗冷：那嫌杯物浮深白偏愛成山對
遠青殊勝後溪茅屋裏廓居無酒度殘齡

郊居初冬雜興

種秫無田墾不毛每因秋獲作登高陶家酒料今差
足免向橋頭典濁醪

斲殘秋草馬歸閑隨意菊荒十里闕判得今冬伸足
穩孟家今有小樵山

墨園伯承錫命侍郎臨蘇行而迂過郊扉見舍

後巖泉有詩相賞遂次其韻為萬里贖語無屬

陶湖主人歸軒

侍郎呵殿開橋西窈窕還携尋壑藜水石幽情楓倒
瀑湖山遠勢樹浮堤何煩手帖誇滁谷自改頭銜號

右溪君未壯遊先具眼小潭今入大評題

郊村冬日賦事

栽松道者認前身
斷凍移根自苦辛
莫謂翁衰垂鶴
髮會看渠花作龍鱗
薦寵凡花猶九錫
新泉那廢七粧巖
山家有賢吾能
數松石楓解竹栝楠

郊雪

今年早雪凍郊青
白蓋青蕪一色平
唯有壽縣村南北
岸江溪二道綠分明
山齋煖酒佐醅著
出看新松雪壓平
欲覓梅花驢失

路煙村元自不明

送第三姪翼命作竹西樓主人

平生願幸有樓州
惟一寒風似夢遊
仙鶴之城多竹
地羨君連上二名樓

遠從邊府歷中州
舊踐蓬瀛厭再遊
山海關前縱目
後更何求領海山樓

送洪甥孫應復赴高山任三首

北橋如畫裏曾願
宰高山老子終無分
賢孫此作官
諸峰合自筍一水
散滋完好是遨頭
宅天開峽野間
自亡成宅姪尚見
稱家兒世職溪山
邑門風嶺水詩

今將湖外送如別涓陽時吾忍銘吾敬壺崖已斷碑
具宅薑鬚菜衙梁銀口魚土宜今略記風味近何如
官供應饒此郊居或及餘老饗殊可笑已待餽年書

次名則水曹直中韻

雪已梅前盡陽疑至後遲頑陰吐春意棄木尚寒姿
班愧紅顏宋交無白首知以茲工部老棲息願同枝
洪崖子與大將軍有詩起梅訟騎牛官輒判之
曰將軍固鹿人今之曹郎亦俗吏兩皆不當可
屬之后溪翁也

寒梅今被熱門求處士園中不敢留忽有暗香生錦

障還嗟素服失羅浮入將軍幕元非願歸水曹詩亦
自羞花若解語應說我東湖老子冷無儔

洪崖老與吏部復賦梅詒詩二韻投來次之

紛々索笑戟門來健步移移何處梅林下衣粧非粉
候軍中娘子自花魁爭端互起諸詩案閒氣難平一
酒壘若謂村翁得此過窮山野水為誰開

次君則除夕韻

村翁經事黠已悟守年庭不召山隣飲惟圍巖老碁
羣兒喧未覺甲子搜何知夢見龍龕叟方嗔社酒遲
以雲卿韻咏梅挽問 庚戌

相隨萎落枕邊梅誓不於君死後開多少庭前新植
樹庾花偏切楚筠哀

船遊西湖強子長同載至挹清樓以理入山裝
徑歸蓋歎路平縣携李宰而東直至望洋也余
已向若而歎愧茲遊之為芥舟也有舊述三律
續遂次為別語三首

何人最自在學士脫名韉久矣卧湖宅飄然遊海鄉
花穿楓嶽樹萐食竹樓柴應續仙棧曲涵亭倍有光
君方之橋外吾獨泛湖西宴舫難吟載裝琴自奪提
海棠知索絙江樹見紅樓惆悵烟波別令人變鬢黎

賢昆遊芥壤太守掃琴堂黃氏溪堪記弓王國久荒
聖山過跌宕仙嶽與方祥歸示東尋卷吾尤畏子長
泛舟仙遊峯下次君則韻

帆底輕颺亦快哉篷簷細雨濕何猜披篋客棹小鳧
至橫遂人如雙鷺來宗正琴亡鳩代語皇華詩在鷁
無媒斯遊未必輸前輩舟過楊花更進杯

舟隅俸君則春盡日過我二如齋共賦
花絮歸無處溪庄綠葉深不知餞春恨何似送君心
玄石辭同泛舟立欲遠尋遙憐鳳棲閣朋會不如今
出直到冰湖携士昂登舟上晉平亭歸分韻

才罷龍山飲水亭又速兄來波平岸淼拖浪漾船輕
廢閣看鷗下虛舟得鯉烹東湖亦勝事試聽竹枝聲
又贈舟倅

膾炙舟丘錄三洲寫得真江山留粉本樓閣屬門人
應以泓淸語更傳潭島神何須着色帖強效一源顰

題從姪伯承小幅唐畫

汎覽名山記流觀輞水圖帆來知有客童子掃臨湖

右第四幀

引竹葺蘿補破茨山家元不瓦為衣主人方對瘦妻
飯稚子亦招飢鶴歸

右第六幀

追和君錫陶湖十詠

人生會大歸亦有小歸樂如行未到家先憇清涼閣

右歸樂亭

君自交遊廣人情晚乃見何煩署門謝只好閉菴瞑

右息遊菴

洛陽辭大宅江上寄矮廬容膝他用元來何鬼掠餘

右審安堂

何為不入時以君無媚骨不如北窓下且寄此傲兀

右寄傲軒

閒雲朝去宙日夕好歸山爾若有機出豈能無恙還

右畝雲樓

吟不枯梧據隱非最桂板偏憐小蒼叟令我暮盤桓
右盤桓壇

君何園日涉日異顏色三百六旬日當穿幾兩屐

右日涉園

農品風霜下雙清獨配我雖居息遊菴此友存亦可

右松南徑

湛彼雙環沼明於一鑑泓茲泉同遠志獨以在山清

右清流塘

自耕廣陵岸田事唯聽奴敲門何所白春已到江湖

右告春門

宣懿王后挽章代作

自簡溫凝質 寧王獎若新兒有佳婦他日賴吾斯
人翼 嗣長深慮昭誣痛切綸何如宋太和无日下
宣仁

哭訣雲迷浦扶昇日上霄 先王賢內助今代小

東朝博苑令蕪沒 長秋又寂寥如何遠日侍威我

女中堯

鳳翥城東岡巋然 舜所藏秦陵瞻望久周隧下從

忙恍惚欄花遠連絲寢栢蒼應將追蠟痛涕泣告

先王

次梨園春會帖韻

韶容箇：橘仙同廣梁樓高不切風四海弟兄皆享
葦諸家孫子各扶翁飛觥籌錯花千點秉燭更深鼓
一通今日春英嚴限七寂寞君廣守寓宮
梨園 賜作醉翁亭韶樂平和風日寧天為東方開
壽域臣如南極有亭星當頭自詭髮先白序葢誰言
袍尚青軒架北偏瞻御座獻年爭願補子齡

黃報恩麟挽

頭銜不改晉工部瞳髮難衰靖長官卜宅溪名黃氏

洞為州衙對俗離山苔蹊杖絕楓林黑水榭觴陳荔
子丹先老風流那復見亭洞雖汎是空還

次吳子長兄弟金剛錄中諸詩韻

何年鳥窠公寄窟在空中一柱銅標力高巖鐸韻風
幽能窺普德踞虎路圓通朝日香城望尤憐萬玉叢

右普德窟

碧海耀來沙茂生滄波淘出性能鳴瑤宮屑玉斤成
響虛徑凝霜履有聲白鳥驚疑盤不下青驂愁溢立
還行尋仙東去那無路一色瓊鋪八百程

逐馬棠花茂：生理紅糝白玉塵鳴晴濤拍岸渲新

綠疎雨霑汀，蛩晚聲鶴浦。以南皆此格。松江之後更
誰行。君詩詎盡，沿途勝蹤。通州半日程。右鳴
傾山倒盡毗盧源，望海飛如渴驢奔。鯨口全回萬瀑
注，龍居不芥八洞吞。餘波作雨崖，雪草怒勢研霆岳。
撼根觀處君何輕，判命聽之吾已暗。瘦魂龍鬣

辛亥元朝次舟州試筆韻

韶光三入小郊廬，是曉村翁走起居。膏動似催村圃
壘，冰通擬訪廣湖漁。春初行令寒差減，人亦迎陽病
小除。越占元朝新氣色，今年宜復有年書。

上元日次柳下韻

守歲餘盃作上元，村簷紙幟學青燿。春融江漢層冰
壯，月破峨眉半岳昏。處處遠鷺繁樹枝，人人瞻兔立
柴門。耽看最有無眠叟，直至金波落似盆。

吳尚書命峻老梅樹歌

尚書宰上木已拱，尚書堂前梅半悴。梅寒主瘦本同
病，獨悲人似芭蕉晚。東村花鳥宰相宅，冷官嘗共看
梅宴。前年哭君更憐渠，編衣無主如開丐。忽然移送
老圃家，即君別受平泉旨。婆婆尚帶生意來，數片花
綴青丸子。人言此是劉尹樹，胡為落此窮山之隈野。
水漬點茵墜，壙吾豈擇所喜。主人臭味元同君，嗚呼

敢忘甫月詩自我封植生孫枝有時月墮參橫籬落
間行佛君平生韻

吳持憲伯教

音曹

顧新居有二詩次其韻

柳過村路潤無泥小御史來馳印蹄新故更脩床上
下舊遊偏憶巷東西曾追鸚鵡慙低翅晚學鷓鴣之
拙棲可待亭成為賀客落筵沽酒宰脯鷄

幽谷疑音鳥不知又遮車馬柳垂黃娘躑躅花千
系劉尹樹來梅數枝春及西疇耕耜出水通南港釣

舡騎諸家園沼盛衰後白首吾方盆作池

方營池榭間吳文甫江亭先成寄一絕

春來鷓鴣俱營舍燕已泥堂鷓未枝更有夜郎堪笑
事如塘欲敵漢為池

韶院直中同君則呼韻

春陰寒食後寒落梨園廣棠收羣籟孤吟蕨五言直
申莊紅未綻朴斲翠逾昏風雨何時了花邊更置樽

春深後復次寄四宜園

雨淨南泥谷春濃小沁園生香藟燕寢棠意有禽言
梨院方音過花辰又眼昏如何添冷淡掃病不開樽
送春日會韶院尹伯修游有約不至賦二律

唐院梨花冷商壇摘叟殘餘春殊可惜好約不宜寒

爾醉能揮翰吾衰尚跨鞍仍思過橋去君有醉杯盤
五年前正老十部舊音殘道是伶官隱依然詩尉寒
欲歸垂柳含顰迎訪花鞍三日城南醉春遊恐太盤

送春越二日復會借令宅次主人韻

衰年把翫只殘春倏已鶯花去似賓佳會更宜芳綵
節辱招先及皓蒼人且謀白社時醉莫問時玄都事
事新獨恨迺歸野圃未追文屈小車塵

次君則韻分寄崔令

崔岳祭令壺流

隣童亦白首幸識老詩仙不杖過園數無筒寄什便
清圓石洲體頑健放翁年更待君題上新堂照鈿洞

石屬崔晚谷

舊政承朱峽新詩見洛陽願因唐進士一識蔡中郎
藏坊餘春冷湖堂暇日長寧愁花氣索自有令公香

右屬蔡孤山

次君則韻呈陶湖知申

絳陰忽雨蓋節催涼屋初成徑亦開塔盡看花唐觀
去人無載酒蜀亭來省曹風雅新傳句丘壑經綸敢
道才堪笑龔翁錯料事勤教漁叟下銀簾

奉呈提舉相李奉朝賀

台佐

作長梨園方自大又披公服拜何人老郎禮數元多

簡丞相雖寬錄事噴

新亭雜咏

日望楓松長如翁育晚子可憐新翠立猶陰小青翠

右前植楓松

新園無奇花小童移石竹莫謂此無香其美取麝香過病

右石竹花

饑叟無燒食樽龍纔出頭兒童欲買餅池上見錢流

右竹筍蓮晨

自笑無田者何勞憫雨乾近來巖瀑減未供客來看

右小瀑

更笑無田翁如何遇雨來種來半籬瓜滋得一筋足

右籬瓜

池舍垂成荷溪西崖擎天柱駕次輞川韻

如何門有騎軒塵還愧幽人迹未淪穠麥欲枯瘿好

雨溪堂將落得詩人壇塲久主誰爭長巖壑平分願

絲隣翁醉揮毫醒跨馬山風送客沼生鱗

又疊塵字寄床知申

綵陰吾豈笑紅塵金馬君真大隱論應為卯申供

聖主不違風月谷閑人詞林韓孟難同社村戶朱陳

好作隣近得藍田日哦叟來篇置香茗魚鱗

又和溪西

非禪非俗似祠員鶴捧冰銜領洞天自謂天仙君許
半降來猶勝地行仙放翁玉局觀歌云銜如清冰捧
如鶴翮回清閣正祠官而晚翁
以余尚縻祿奔走以半仙見嘲固不辭猶自以余
為勝於地仙蓋以翁老健方有地仙之目故也
曉祀陪歸已午天潭西退叟尚酣眠叟言吾未戀車
日未免晨霜滿馬鞵

上三舉禱雨日壇同翌日果得大霽南直舍雨中

喜而有作寄溪西亦和

絳章三上果回天 芟輦初旋雨沛然急溜迸喧齋
殿瓦枯秧勃起瑞蔭田民憂方解 彩眉聖靈答終

優赤脚仙竟夜霖鈴如奏曲梨園散吏喜題篇

次銀董諸公喜雨詩韻

帝勅風雷在吐嗟三煩玉趾意如何為民祈請東
堯禹頌聖歌詩禁牧頗乾圃返青先驗澤深江溢綵
別為沲卷中第一當歸宋不待昭容再問過
垂三曉靈濕乾星天宇微呈忽又慎已見樵舟來繫
屋却疑茅島泪為溟君方賀而詩追白我款披雲眼
觀青隨滯隨暢皆警省九重焦思幾時停

七夕後第三伏日呼韻賦得送暑

柳根小壘漸生洲眼看瀛奈變轉頭餘漲盡歸沙閣

艇窮炎將送草為舟靈迹已收殘雨酷吏淚威那敵
凜秋不必餞春偏置酒朱明去日最宜遊

留題泛湖亭贈許高二君

青暑樓閑病欲蕪漲濤時作小江湖主人更有許玄
度詞客類招高達夫蘇島樵舟衝白雨葦塢牧馬沒
青蕪明當吾舍觀秋瀑女得能詩二妙俱

梨園六采坐會詩老吟韻

殘暑不成夏輕颺而涼商管絃四五事筵席兩三篇
梁正風流短詩仙遊戲長梨園何足戀溪舍亦秋光
後瀑以晴款乾簡速晚翁既至頗有傲色俄一

陣雨作瀑怒而飛未翁乃絕叫讚嘆遂共賦

乾瀑邀君悔我輕溪堂昨已賦新晴殘山剝水初無
色迸溜崩崖忽發聲送雨天公真副急司隄少女又
添清墨池雪巖須臾事頗改泉評笑陸生

次石林壁上韻

上峽扁舟望似仙廣陵題壁在何年吾今抱甕青門
外君早垂竿驪水邊窈窕石林藏葉閣珠玑河柳帶
程川梨湖未必能勝此何事歸之小阮賢

次崔老韻

長鬣伶師立振纓衆工如鴈列軒楹竹絲未奏翁詩

奏官長非清磬韻清曾學古琴多淡指再聞天樂有
餘情無心河海隨幾武莫訛秋江一棹輕

誇邪居之便答諸篇漆巖之語

篇，長說漆岩舟未去應由江路脩何似吾家靈壁
上退衙身已在林丘

宿溪西

門掩五株畔先生亦出稀偶來桑下宿遂向柳邊歸
紫栗童收貯黃杭雙食肥江鄉新興味能不戀依
二如亭既成九日又至簡請溪西詩丈丈適有
歸峽純煖之行舟取已戒而乃捨楫尋輿歷山

險而賁臨作節于此即新堂第一重陽也不可
無記故為北韻長律命曰九日溪堂詩其令以
重陽起結首尾之陽是亦一重陽也詞家變例
古亦有此

吾生六十九重陽伯玉知非後北霜御物屢更老成
大光陰難把許忽忙無人送酒常虛爵與客題糕孰
擅場籬下慣看花感悻樽前每感友存亡佳辰強飲
寧耐遠以日回息漸渺茫羞逐新人遊得得猶殘一
叟伴涼，終南欲新趨朝徑靈壁新營負郭庄五閏
公先嘗菊融今辰我始共莫囊何論衰髮參差白共

把寒花冷淡香。水驂回帆臨小澗。山壇揮翰賦新堂。
華榻暎。治令將落。薄酒勝茶。昔所藏。澗戶多風。醒落
帽。溪窓聽雨。夢疑航。三三徑。築開花塢。九九秋。逢老
醉鄉彭祖。之前敢稱老。崔詩在上。不成章。泉空夜壑
如移去。霜少秋山半點粧。遇節雖多。難得友。逢場未
易。莫辭觴。宵聽石鼎。唯留草。朝挈筇。瓶不戀。桑準備
登高。多種菊。商量辭祿已。裁袂明年。藍水人誰健。九
日滕樓會不常。且置六旬虛度日。新亭第一作重陽。

步送溪西上鷹峯高頂以藍輿入城

人笑登高學少年。翁行反貌少年先。寒花細迳肩輿
下落木。諸山手版前。老馬豈堪三品料。疲牛足戀上
平田。送君還郭從厓返。已起新村夕爨烟。

賦前川捕鱉呈溪西

芒螯來信問漁師。多在風高雨打時。鳥網橫溪晡始
設。松明照殘夜。頻窺沾霜出袋。僮常課帶沫歸厨婢。
共炊不但重陽持。佐酒新題先索晚翁詩。

重陽後与溪西丈赴石林菊會同賦

登高事了始花催。大紫真黃相競開。風力尚欺紗帽
墮。秋光全入綺筵來。欲按隱逸數千朶。盡泛謫仙三
百杯。八十一翁驚創覩。山家那得許多裁。

無菊無酒嘆寄溪西石林

淵明最貧者菊花猶滿手况有白衣人能舞短蓑叟
我無菊与酒其詩云何有東隣爛熳花不許隔籬嗅
區、五斗料未一醉重九廣文有官寒淵明棄官富
不如棄此官同酣五株柳

後二十九日石林主人見吾詩以一壺酒三枝
菊授高生來餽此為陶後一段佳話又次謝之

高生去邈來菊花在其手云是東籬主使遺西圃叟
上出天然葩其中豈烏有和香入腹去不徒鼻觀嗅
飲可醉二參日亦第三九陋彼洛陽園花酒渠自富

未聞王江州兼菊送五柳

菊秋二十九日復會溪西同賦送秋詩

五番霜後告秋歸寅錢初筵醉暮暉九日凡三令欲
盡百年幾七六云稀菊華衣故漸淪紫荷葉衫枯寧
換緋試效西家清艷體天姿終媿卷中微

秋值將歸日人當遠別宵缸花寒耿、庭葉兩蕭、
吾健猶騎馬兒行欲贈貂暫時浮菊飲差足慰無聊

上南谷相公乞梅盆

一八平津閣開能冠百花相公調鼎嚴宜返野人家

題金孝童詩卷三首

瘦男攀栢涕哀動清潭隣問何今絕哭昨已下從親
風謠二五絕惻惻十三兒皆言洪柳下是齡無此詩
孝子而詩人昔有劉村隱可憐黃玉花再出俄榮隕

新亭夜坐

霜後川原濶入檀蕪菁收盡野無青疎林響屐隣農
過靜夜彈琴山鬼听閣有梅花濕作雪村無蓮漏曉
看星平康太守送壺酒在念寒翁連日醒

次高許二生舟行韻送蕲溪西

天寒舟客畏膠艇無恙柴租泊蠡淵木落遙分南漢
堞樵歸始起北村畚陶爐拙火排冬足紙閣梅花詩

氣先洞底東薪將以遺癯溪凍臥老癯仙

嚴靈舟挽

卽箇曾接白雲司始見滄浪上乘詩斯立寄官哦傲
兀曼卿隱酒醉淋漓陳人筆下生新語諸皓筵頭黑
染髭一自赤城重會阮阿天三見悵無期

二如堂初雪

白閣夜來雪老人眠未知蕭騷晨有響童子掃茅茨

送高生西遊

已休行勝臥空山猶遣閣黎遠出關四角詩囊西
獨漏請君收拾妙香遠

梅向衰雪又下使伶童吹遂已有凋落之感而
終不可致詩老於花下慨然有想以落梅詩寄

溪西

殘梅欲學雪飄翻看雪無多還掩門伶客莫憑橫吹
落嬌禽偏踏小枝揪花如欲去那膠蒂豈不能來又
食言誰似仙家小萼綠無開無謝枕邊存

梅半謝後次溪西紛字題花鳥閣

玄陰垂地雪交紛人病梅殘共掩門此老凍吟肩聳
兀誰家低唱口氤氳休嗟羅媛醒來失尚喜荀香坐
處存未害名為花鳥閣小禽嘈刺亦成羣

次劉村隱旌閣詩韻

求王齊市士有母穎封人舊巷留深轍高閣式過紳
仰惟 昭代理追闡 穆陵臣嗣出清潭孝彭瑒共
傳新

送李承宣春躋以進香赴燕

彌雲書覓別詩頻燕路相望結轍塵嚴使尚朝元正
朔鄭卿又吊晉夫人君家兄弟賢勞病我國脂膏竭
事貧想像 皇朝王會日午門先引海東臣

次溪西韻題花鳥閣

何須野妓復巖欹梅鳥於焉共一家不似西廂綠衣

使妬花時起小紛拏

溪西後園頗有柳吼之習
西廂亦崔家事故戲之

除夕復寄溪西

如到明朝滿古稀何為苦惜此宵歸增年是減君何
煩去日難來此最依晨漏殘時寧犯夜朝衫禡後不
希緋從今優入耆英社免得崔君以少揮

除夕空齋所伴惟梅鷓而一醒二眠徒增寥落
寒梅相守兩無眠除夕孤懷旅館然欲數此翁詩閱
閱聽風聽雨許多年

壬子元朝試七十筆成近體寄溪西

已見溪堂第二春竹檉紙罔未為新新詩又試弇山

羊陳卷先澆賈島神草野祈豐謁二老岩廊議賑集
諸臣歲時何事村翁拜 恩爵先加壽域民

溪堂春帖

久矣嘈灘凍絕嚴今朝僮報暗泉生荒年瓢飲猶言
足已聽村娘曉汲行

雖設南窓罕納曦三冬未有不陰時新陽忽似開閭
闔可讀崔翁細字詩

次曹偉叔賀緋韻

東郭老人擎紫誥西樞先達借緋衣官能讓送言何
爽詩又和來韻不違君在豈憂吾寂寞兒榮俱作父

光輝欲脩元白相酬事崔九堂前可共歸

上元

隆寒全不似新元孝子如龜不出村鄉敬初如杖鳩
刻童心忽發紙鸢翻溪壚禁酒冰生甌山屋無燈月
八門走踏箭橋誇矍鑠笑君扶步瘦川源

次溪西元夜踏橋韻

四時佳節首元宵東俗無燈重踏橋翁六隨人行畧
行洛陽故事忍虛拋
乘月仙翁暫出壺回遊無在有孫俱元宵八十多何
用只自悲涼立暮途

次李聖佐

師尹賀資韻

被來緋玉持霜鬚羸得村童看作殊入謝 天恩還
本色依前峨下老耕夫

謝樞職命後還郊居疊前韻復偉令

晨趨朝列苑星稀謝了 宮恩送借衣藉子蓬瀛官
既重還吾丘壑分何遠賀騰耆社添綃畫榮訕村翁
覩錦輝判事江深春鱖美前詩可按盍同歸

再題花鳥閣

花枯無艷鳥沉聲塵閣虛涼倚短檠還似路辭樊去
日樂天陶老不忘情

盤溪十景為金用謙作

華頂元超忽朱霞更建標天澄有餘暎顧愷目曾譙
右華頂層霞

間雲日暮歸冠岳為其舍人亦隨雲還茅廬在岳下

右冠岳歸雲

戴勝下時綠吳蚕眠後空縱絲田作海猶露博桑最

右蠶野春桑

沙杆鴈落子時復風翻句冥、高舉者庶不踏前躅

右棋洲秋鴈

風高帆腹飽米卸船心空鼓打龍山口旗飄蠹島東

右東湖上帆

日落海門白潮來浦口青斜陽金紫色蕩倒拖清亭

右龍山落照

銅雀今爭渡虛舟橫漢津沙長牛馬鈍忙殺越般人

右雀津爭渡

今日不除草禾苗應更稀呼兒送蓑笠風雨不須歸

右近郊蓑笠

漁火明碁島河豚初上時朝來下箸後擬次聖俞詩

右遠村漁火

千江皆印月顯處不分明何似方塘內涵溪本面呈

右蓮池霽月

既紆 賜緋復四七老之會誠窮老人盛事此
際藝苑宰公賀資之休適枉尊席生耀諸耆動
色謹與主人詩丈各次以謝亦欲以狄馬故事

屈詞伯八社

田翁得此過洛友賀年稀不謂腰金貴遠憐鬢玉輝
起趨前相府歸掩后溪扉但恨今叅政江湖計易違
滄澤徵君自海上寄詩賀余壽資君自遺榮者
何羨乎一級寸榮而遠修慶儀也乎噫吾二人
未相期者壽也而吾先致之非獨賀吾蓋自喜

也

多病寧期下壽得非才不恨末僚沉三雜并致堪驚
寵百事常乖久息心品服被來鶴痰賀篇妨酬去尚
虫吟掛冠人豈彈冠喜應為愚兄效慶忱

俗以侍從
目親加資

為三
難

詩丈既失梅期后溪春事今半而尚不至又無
一篇三月詩之投若後生則恐不免違約大白
新堂尚未會耆英真率孟雜儉歲營今而不未溪轍
客何家又挽小車行林塘亦待詩粧點泉石那教俗
品評莫憚一揮三十首放翁二歲萬篇成

次溪西冷節韻

泣栢哀餘拱木年
覽名詩自我潛然今
當寒食惟看屋家慶
何由往告先

吾生七十看清明
穀雨花風亦慣經
莫謂陳人知歎然
泥龜雖壽本無靈

記前春遊集得呈溪西二律

昨歲梨園會堪稱
得意春紫衣諸樂吏
絲管四詩人
紹玉今虛貴鶯花亦似貧
可憐西府冷無酒
醉佳辰
洪厓方讀札
晚老久停詩
佳節人難會
今春事可知
青鸞初被野
紅杏乍窺籬
誰獨鳴
朮友鷗之與
鶴之

送藍輿卒迎崔詩丈

何煩壽杖移當送
藍輿去雖無宗武扶
自有門生舉

春旱花遲呈詩丈

三月詩筒才五迴
固童猶不報
花開兩般久
粉淋鈴
滴春事誰憑
羯鼓催巢燕
無泥將底覓
蜜蜂朮葉每
虛來
庭花共黃楊
退除是清和
見杏梅

今年有句

花發後急賦簡詩丈

暗翁臨樹歎花遲
偷折村童暗笑之
君自霧中看不見
分明籬外立風姿

復三絕句待詩丈

梳洗出泉似少姝春來花為傳鈴朱如何歌舞屏風
裏對着衰翁兩白鬚

前秋送處又迎翁已度肩輿細逕東君自洛陽花
海出小園猶賞寂寥紅

村堂何事苦吟吟今日翁將督課之三月卅篇留一
首待君同作送春詩

廿七日邀晚丈煎花溪堂以李于鱗韻同賦送
春詩三十首始完

無官俱典賜衫殷新回龍驤一味閒春去莫遮
蛇赴人壑衰猶好纜登山醉鄉似遠常愁日詩境
雜超

尚夢閣贈送晚翁三十律東皇今免賜寒還

今日病遠少減走次五首呈溪西

天葩不似俗花遲四月篇先紅藥時退筆尚縈
殘錦縷急搥催發懶梳枝寧輸白麓三千首欲
續東壇十五詩君自主盟如岳老屬和誰是澤
風詞

蓬萊吾到十年逢妓說崔侯作宰時書法述
即慚于墨文章致遠有孫枝簾搖仙岳曾成
集遊戲人寰尚賦詩但恐坡詩非本色山青
何似進般詞

寧目學稼笑樊遲悔不農漁自少時南浦釣
無桃李楫西疇事後杏花枝三句人饑歌
商頌九十翁強作

抑詩新種山田圖一飽又和摩詰上平詞
觀燈踏月赴寧逢健似初騎竹馬時諸叟皆曾見
者壽松多是手栽枝蠅頭細字微明帖鯨力千篇務
觀詩田野風情今更見夢婆言語老坡詞
可人來似雨來逢應待南溪水長時小瀑休輕元嶺
泓前湖宜泛亦江枝山姿新入長康村畫調終非摩
詰詩館閣諸公應見笑常官猥與品文詞

新村十二景

馬厭枯蕪六待春華場宿莽暗抽新初看細，齊蒲
短漸放青，與麥勻微割綠蕪溪出串遠圍平楚樹

迷津眈駒未踏人宜藉十里郊鋪翠褥祠左華郊

郊山一面競峨嵯披地峰如石押衙紅綻數層花倒

水翠搖千仞麥生波曾維西塞漁翁宅近接東湖翰

苑家今日散官真賜暇雖非應製日吟哦在立石

於戲不忘二先王何幸臣居近舜殿山發清溪來

簇，水紆玄武去決，栢城無恙經灰劫柰樹依然

護願堂更欲買舟櫻島往薦餘朱果乞齋印在二陵

春郊遠眺極三田猶失江南十里天歷，綠堤漢陽

樹茫，似海薊門烟青燕未塞着碑路綠水如著飲

馬年欲雨微陰先冪柳恍疑移境止村邊太三四

烟樹

網祿歸耕種麥村不能餘俸買烏健類吹翠浪寒連
日忽作黃雲雨一番岸柳陰鞭格礎家菊底酒
甜渾飢翁未易眉頭展今見佳筵一笑漁右麥村打場
晴日輕風飽粉帳腰弓人集柳邊洲青袈衣舞歡騰
鼓白麥礪行罰錯籌射的聞嬉聊避暑洗鋤高會又
期秋太平款畫元無象只在豐年里社遊右柳陰射帳
新村久廢放生池五石之西丙穴移溪艇賣仍充犢
價畦瓜摘作魚易資酒家今捲誇人旆渙屋頂尋曠
網籬還道日來無所惜吳家捕鮑甚鸕鷀右牛浦買魚
高帆不隱起塔城野濶船如轉麥波一綽風來過盡

嶼每乘潮到問漁家連檣互出新村柳拂席常飄立
石花應載漆窠歸去叟而餘舟向上遊多右蠡島風帆
村邊歷歷過橋人賣餅隣翁錢不貧雪髯篋歸沙苑
馬朱霞暎到御溝鱗街瓜滌鴨僧施客場柳扇涼相
濟民地下老公生未踏一舟舟繫石欄瀕右箭橋外人
濕殼宵共雨殼未漱玉新欄恐觴催驚起衰翁折屐
往諸臨詩丈送興催飛流入壑樽先滿活水歸塘鑑
再開芙蓉謂若泉冰嶺派回官曾汲一瓶翅右小玉現瀑
一雨前郊去綠蕙兒童報出歷陽湖居然十里江山
勢險以三田烟樹園已有漁舟來繫戶便携茶具去

登樓柳汀麥汎泗汾恣託作艮遊客笑吾古新湖

不待長康指楚城山樓粉堞自分明温王廟古香猶

裊金汗峯高霧不晴 聖祖臨進曾發歎 神孫回

蹕每凝情山頭春燒如烽火錯認西門又夜驚又南漢想

碑

次溪西崔老陶湖宋台韻

無他為農耕翠微樹陰鋤罷歎苗稀石田善歲雜希
稔玉食今年况失輝甚叟時來談白闕釣徒新去入
黃扉晚交欲托村夫子霄漢人多回約違

觀漁歸後呈夢春無盡兩主人

徐平甫命新
吳文甫命新

寧容詞客擅仙舟團突渙翁坐兩頭薦輟判書猶未
老焚魚學士欲仍休春天載酒思湖舫寒夜燒香記
歇樓同是海山曾過客晚緣今復在滄洲

東湖新買小渙舟每為垂綸暫出頭受釣一雙魚剩
得載航三兩客同休斜陽索膾呼輕船半日題詩遍二
樓既飲餘鱗穿柳返吾家不遠在新洲

又疊舟字寄東湖二樓

湖堂詩絕三千首豆浦魚忘一萬頭鑑水羽鱗無回
識蓬山風月久間休何來李郭同仙舫復見徐吳倡
雪樓更一焚銀家學士釣舟擘自挹清洲

日出漁翁已上舟，敲針稚子作黃頭。
西崑北垞來，仍宿菰飯魚羹飽。
印休無盡烟波，移泛宅幾區。風月鎖空樓。
自誇風味，人何與不肯中分白鷺洲。
何故逢回上峽舟，錦江春色待遨頭。
君方軔發羅中，改吾已鐘鳴判永休。
又見平家新入闕，唯殘趙尉獨登樓。
兩竿畚艇如留付，權攝漁翁守二洲。
箭川清漲恰通舟，忽出湖山新面頭。
麥渚魚依殘穗聚，柳陰人掛獎罾休。
願詩共載崔仙舫，設膾頻開許子樓。
塘敵漢江曾見笑，今何敢訕小滄洲。

次東湖文甫韻

箭橋西畔柳藏堤，此是溪翁所占棲。
權寄茆廬聊學燕，時沾麥酒不歸齊。
漁隈瓜地無爭訟，雨瀑畚江入品題。
今日菰腸厭膾炙，千頭魚遣小妓携。
石碣人去上沙堤，真釣唯留錦水棲。
東湖西湖詞欲競，鯉魚鰕魚價不齊。
江村事，逢人訕詩社篇，立使顯自有敬官平蕩法。
網鮮醞酒膾無携。唯也

謝巖伯姪稚晦命題送緋衣資

諸兄名德慨無年，稚弟憑誰到皓顛。
仲氏為依立嫂，悻慈親所托責公憐。
家庭巷北皆携酒，朝服山南遠送錢。
情事似君宜羨此，賀吾兒札覓悽然。

二如歲琴夜為偷兒携去

山犬無聲瀑不噴溪亭前夜失龍唇
回鑪并付偷狐客焦尾應歸
黃鶴人一抹六絃俄脫手
二如孤榻孰隨身悼姬哀鵠
猶堪遣唯有亡琴痛更新

送李一源赴三陟

今年郡選六風流解遣詩人領
竹樓清澗亭開兌過第真珠館
掃吏迎侯馳筒白巖湏頻寄
易瓦黃岡莫久留上日水欄
應不熟紫茶玄菴妓擎甌

湖舅詞華獨似劉淵翁
玄草老傳侯舉來雪岳千重
秀瀉倒黃池五十流白下唱
酬空法席竹西歌吹緬

仙遊紉籠詞列非吾事自有清圓後石洲

君止蓬萊我洛山皆於八景僅窺斑
今從太白五臺去可寫鏡湖珠府
選然後真成瀛岳帖老去敢品畫
詩間無如殺景前淮俾重起惺樓
不一攀

六疊屏當帖百番罷評希得一源言
六曾楓岳為州宅終愛林塘隱郭門
自失琴來山不響獨看圖臥眼
還昏官情遊興今何有猶欲為騶
過巖軒

憫旱

三田雜樹廣州山長自冥濛似蜀
天客渡江來衣不濕方知非雨是
雲裔

山河大地徹心乾，筆雖拈硯不瀾萬首詩中強半
雨恸來時辰放翁者

夜瞻雲漢又茫然朝起還愁赤日懸何限夢中新快
活一犁雨送后溪泉

田家記注唯晴雨壬曆如何雨闕書非翁勅筆由龍
懶我應懸行雨車

答溪西朝余懸車後更出

懸車人作藍輿將禁漏殘時走幾遭天筆如何斬一
點公然成就晚翁高

禁中喜雨

一霍揮炎殿閣寒宮人應酌雨盆者叮嚀衛士毋高
唱東內令宵枕始安

雨後脫禁直還郊觀瀑

北墮親祈嚴西宮衛直迴初收禁裡雨尚曳谷中雷
怒瀑終宵響新湖石日開老龍猶一起何惜晚翁來

泛漲越橋至華郊而還

壞圃看蕪去輕帆穿柳迴人家孤島上樵市小橋隈
收馬東郊沒回艎北岳開水歸蒼石出更欲釣魚來
瀑亭秋雨中忽憶衛直時事有懷

急漲宵歸壑殘雲曉冒岑涼生新換序暑老尚蒸陰

馮季為市歲潘仁寓直心那堪巡吏喚驚卻五更衾

李安邊真泚挽

吾兄僻潤選東床佳婿仍登白玉堂詞翰家能傳硯
沼才敵朝擬置崇席三年駕鶴留何以一夜騎虬去
若忙惆悵新桐誰復引盤池秋露冷蓮房

暮自禁直歸村墅寄溪西要九日會

檠燭遠郊暝楓林入谷明冥行慚曉漏夜坐賦秋聲
池淺鷗鷖去堂新蟋蟀征年荒猶釀黍九日請先生

重陽直中夜寄騎曹令公重弼

高秋久寓直又落闕西楓暗蹄風傳菊寒更雨滴桐

鬢同騎省白顏借酒房紅殘夜湖鄉夢逢君話禁中

晚谷漆巖舟路過契軒

峽權令方發村盃何足措過辭梅社友歸問草堂妻
水宿憐孤鴈村留殺隻鷄雖然詩欠債且可返溪西

趙正言尚行挽

寂寞南床世君初選玉堂高雪方展武短日忽韜光
林舅珠甥似梅翁墨泚荒修文有底意還撤諫書囊

賀陶湖台還湖上

請說春來事東湖有二漁時將數首律去換十頭魚
苦海飛沈去虛舟遊舸餘陶江今代伯苔石不終虛

送秋日雨中有懷而寄陶湖溪西

殘秋元欲去風雨又何猜已作玄冬勢仍成素雪來
落英渾漬井危葉不粘苔雖折蕭條菊難欺冷淡梅

山屋踈寒八處小齋

陸氏龜堂邵子窩老人冬則此為家如僧結夏新禁
足待鳥鳴春始出窠冷淡秋花同氣味青熒燈火是
生涯諸緣盡息詩雅癢無奈群公督如何

初雪後題

十月梅心吐嫩蕊江雪黯淡雪飄時菊花詩後猶多
事次二梅詩与雪詩

次寄溪西韻

山限長安翠一重數村烟火寄鷹峰郊亭古木投遙
鶴江府層陰凍懶龍霜簡有詩傳冷曉白衣無酒餉
殘冬持筒人去增寥落雪在庭前對樹松

冬至前三日溪西歷題

風雪溪扉似舊開誰家又送桂糖盃樽前每強衰翁
賦屏後應嗔惡客來白社詩程申故禁朱門琴曲起
新哀無端老淚添紅露憶昨西隣取得迴

又疊窩字

衰老難投洛下窩臨溪一屋曰吾家累朝官久猶為

繭三代孫生尚在窠小閣殘梅春有信寒郊遠木雪
無涯清貧人道同顏巷寧識尼回樂處何

後五日賦得郊天暮雪兩呈

新村選景有遺珠補以郊天暮雪圖灑濕漁缸青筍
重吹平馬埒白氈鋪飄似斃疑雀隻片飛成自
廣湖同在琉璃高冷界何由對賦傍紅爐

始得梅詩

小屋寒梅欲發初江邊一樹信何如天心可見生陽
後詩思新添咏雪餘應笑霜眉蒼衛尉雜親玉貌退
尚書還愁賦裡清更體終相唐家鼎鼎居

同陶台次三淵梅詩韻

誰與吾移入煖堂無他長物獨梅床洛城競掃千家
雪湖岸誰隣半樹香氣味一生同淡泊風流千古并
弘長除空色相三淵子亦為花魁寫影忙

繞樹翩翩日萬遭梅兄自佚甬何勞禽語聽處提壺
好兒戲看時倚枕高銜葉似將瓌報主擲枝還法佩
遺阜桃虫藩雀誰嗤細蝸屋中間亦足豪

烟大孤村是栗園廣陵何處鳥邊存雪城半露濕玉
闕冰峽雜開斗尾門硯凍應停修草役樓寒猶奏落
梅翻溪宵起起三淵顛何似堯夫坐百源

千古梅評少定論只能描影詎遼魂孤山半偈猶差
強昌父諸篇不耐繁花晚何煩燒燭照香飄可笑掩
門存欲求詩格瀛奎外須踏湖邊雪後園

却月枝頭澹月懸依稀夢裡立婢妍翠於欲化家鬟
下縞服如逢酒店前一笑愈新初照日高標不改本
然天水仙有配君無配孀如嫦娥五百年

小煥天如悔久寒雪邊朝旭鶴仁端童惟競頌黃絲
襖翁煖渾忘白氍冠梅霰盡飄惟鬢皓桂春雜續詎
顏丹漁師曾許分水鯉冰飲生澌不真盤

梅花詩了逼春天又是蘭亭作記年洛老八三尊榘

席端明六十八蓄筵空山晚葉停毫後曲澗新流泛
觴前迎御頽歡兒女似不妨人笑放翁顛

陶湖新拜知敦寧以右堂有詩

孰為思贖孰文饒好是湖山遠黨鷺既避要津歸廣
渡肯於間局傲底僚時又樵問漁無答歲色梅殘雪
又飄若許禪床除客禮陪公明日訪參寥

明夕乃癸丑立春也寂寥中得一詩代帖子

新春無賴入陳年徑欲玄冥十日權頑雪尚屯霜臘
色寒梅強作艷陽天飢人有夢唯豐飽癡老何求但
醉眠猶與兒曹頌祝語桃符餘紙剪風鸞

歲垂盡而寒愈烈而邊詩適亦中新但招姪甥
輩作咏雪守歲之事殘寂甚矣

詞伯中寒若喋蟬無詩何以餞殘年唯過杜位同椒
頌更許量甥与雪筵自歎冰魚艱活動誰將江鯉問
沉綿藟窟僮斫門前柳始共梅花一煖眠

癸丑元日試筆

春八駟寒鼓宵喧守歲簪元朝如許晏人日不甞陰
凍駭甦溫澤癢翁聽德音更看冰底麥無恙出青針

次陶湖 賜柑志感韻

青冥海外甬耒賒味壓霜橙色鞠華入籠新登 至

尊案代茶旋賜講官家忙開香帕嘗村席好振朝衣
謝 正牙莫道西隣無歲資米魚先已老民加

次陶湖和杜韻兼屬溪西

人日不陰天又暝后溪老子始門開菜娘滿野提籃
出漁客凌澌載網來木臥生枝惟有柳花歸如夢寂
憐梅雀年莫以哀傷損彭祖盆歌四十迴

次陶上元後二五律

冲魄初圓夕衰翁晚望時鏡開黔岳小輪渡廣湖邊
蟾飽輝光盛人飢景色悲月扉宜早閉村盜近如絲
占曰今秋飽當過彼月圓誰將方餒腹忍待後豐年

病榻孤元夜貧家似禁烟如何廣陵夕亦自罷燈眠

次陶湖馴鶴吟

人退巖廊具禽來江海安主賓同出處鴉鶯莫猜疑
清唳忽深夜孤唵應此時高軒試一借寧獨大夫宜

次陶湖早春即事兼屬溪西

公雖謝事不停吟何故莊盆久過音仙鶴笑人營粒
食海鷗知甬絕機心青蕪漸欲燒痕沒綠漲還愁釣
處深郭淅嶺篁頻拄到廣陵可眺有西岑

賦寒食風寒

前夜月明兩今朝花妬風韶華全黯淡佳節不暄融

愁絕登阡騎溪歲看屋翁翁言非此止雞日已蓬

小玉碣流觴餞北伯之行陶湖亦乘舟携魚而
來

新疏曲水會佳賓風日重和癸丑春豈獨蘭亭修楔
事更於金谷餞行人塞雲迎節程雜計碣兩浮觴酌
不巡未必王家少長會能添作膾一遺民

以流觴曲水四字分韻得流字

蘭亭故事后溪修上九年今歲在牛谷鳥和嚴求
友至山湍有力負觴流家咸為駐行春節江客忘登
落日舟自媿潺湲非曲水惟堪序飲效愚丘

遞職後偶吟示家兒迪命

三單恩許遞七十例聽休妾許供無米兒將養乞州
春蔬饒度非夏計指秦越此乃家常飯陳紅莫再求

復寄陶湖

落踏三呈紙詩辭亞長堂樵頭寬府禮箋尾署村章
花鳥供為料蔬魚買作粮近曰崑瀑聒不復夢官倉

雜興

樵自西巖迴擔頭有躑躅貪花翁可笑負杖樵相逐

后溪卷之四目錄

詩

流觴月屈兩詞伯

題尹上舍所藏錫寶帖

雨後借泛鷓鴣徑去

取老杜一句為韻

端午日有吟

義城倅侄買江田為助

次陶湖待漁舟韻

記前歲馬食山田事

升六日雨中志喜

后溪歌置韻字

次陶湖二律

次湖伯寄溪西韻

寄清澗亭主人

送暑後有懷兩呈

次陶湖

次湖伯豐原韻

趙安岳尚慶挽

溪西七老會詩稀字

溪西丈東還忠峽

上謁獻陵歷華郊閱武

溪西丈作峽行贈別

送秋詩三呈

歲云冬矣入數笏房

次陶湖歸樂亭悼亡韻

李成以徵成挽

金僕正權挽

次陶湖間中雜咏

又自述近况

和陶

復韻書中語為長短句

呈陶湖兼送尹詞

曹偉叔有問書謝之

癸丑除夕

送季良閑東伯之行

次濟大元夜踏橋韻

和陶始春懷古田舍

聞沈共甫表過銅津

陶湖送沈宰表歷飯

清明題寄寒碧堂

次漆巖舟中寄示韻

分送湖南竹瀝膏

有以梅花請換盆鵝

送李叔馨年例壽詩

和陶靖節時運四首韻

和勸農六首

和停雲四首

題東京百詩卷

謝南谷相公惠八味粥

送陶湖退雲遊丹峽

寄西尚書丹丘舟中

四月赴偉友初度

國清寺設泡飯

南漢山城感舊

西將臺

輿行鄴蠲林中

顯節祠

遊南藻歸更寄曹老 浴佛夕登鷹峯觀燈

題溪西後閣畫障 次湖伯陶湖較遊山韻

借東隣灘隱竹障 謝君則復枉后溪

次陶湖棋罷韻 清潭打魚同宋吳次杜

疊清潭韻送文甫 清潭打魚復次陶湖韻

重次至禪軸豐陵韻 湖南伯送荀餉詩杜

又謝送團扇 和陶湖失得舟詩

松石軒次君則韻 次杜韻

登臨陽亭子 謝湖南伯造送詩簡

答湖西南伯 題湖南伯邊山詩卷

李同知光朝挽

仲夏南橋翁移設一席

初四耆席賦元字

和湖西南伯風流訟詩

次陶湖

新秋吟

十五反去秋無月詩

川上有作

賀從第一善俸築城

陶湖甲宴三絕句為壽

又次陶席七律韻

郊居秋味寄尹伯修

寄題真珠七分堂

斗浦待廣陵尚書船

驚梁迎 謁陵駕

駕渡後暨遊挹清樓

曉瞻 屬車次陶韻

恭和 御製

五松齋次杜韻

自菊晦至陽朔大雨

憎雨吟寄南城主人 南漢之遊又以雨敗
金令伯溫壽席次韻 寄白下乞亭記堂韻
次陶湖听稗史韻 次陶湖源流新齋韻
溪西丈借吾劍南集 同耆社諸公次東溟韻
梅樹下次豐原韻 送伯承宰赴安邊任
詩要東園翁 復次晦君除日述哀韻
乙卯元朝試筆 次溪西除夕計年韻
全坪君夫人朴氏挽 和寄漱玉居士
次叔馨乙卯壽詩韻 梅下日吟
次沁經君則韻 寄鄭一蠹孫延豐太守

送狼川倅金士修 演陶湖歸來絕句
志喜 次吳伯教打魚會韻
次曹翁燈夕酬唱韻 送陶湖宰夏八金剛
又廣湖打魚日再韻 松石軒雨中呼韻
寄陶湖 前秋墨台太守索別語
賦 寧陵雨 次顯陶湖楓岳行錄後
介洪甥孫送扇蓮浦 和溪西將歸海山韻
贈中罔正八燕 記前歲秋首有三絕句
次陶檢崔詩韻 次陶湖泛月韻
祭告溪西舟櫬 為哭溪西表往陶湖

廣湖歸路登華陽亭 再疊東字

次陶与廟堂酬唱韻 三疊閑字記收果

四疊閑字咏蟹 五疊閑字

六疊閑字詠虜袍 送陶湖起按出闕

詩呈陶湖薦飲者 新韻寄陶湖

山陰使君贈平涼笠 与諸姪孫宿奉恩寺

從仲氏乙卯登庠 次曉起占陰晴韻

次九月霖雨韻 再疊蕭字

華陽亭再疊沙字 次華寺待我韻

三疊沙字 題林學士老村集

沁尹宅作小菴會 家承宣直院受黃囊

闕西伯作倪紅霞 題思任堂畫障子

暮冬述懷分寄西伯 寄閑西伯

送至禪歸妙香 僧軸見七分堂咏梅詩

以風雪留僧一宿 梅將花以舊詩屏護

謝白下自西湖枉訪 白下歸後送二律次之

再疊宗絲二韻

后溪集卷之四

豐壤 趙裕壽毅仲 著

詩

流觴月次茅屈兩詞伯于小礪粗修故事二過
逾寂寥略述悵懷兩呈

酣咏淋漓處孟乾筆亦乾惠風仍作雨晴景又生寒
礪沒流觴舫松深對奕壇散揮無逸少旋恐鎖清漪
題尹上舍勤所藏趙外翁畫弧辰錫寶帖後

憶年十三不識畫觀公盤礴宗翁宅長衡始笑設三
覆子美終耽引太白酣來筆墨蘸酒飽揮處花禽隨

染成教吾掠去若攫鷲憎彼饒取如欺猩還家為詫
同里見八帖遂冠諸名蹟人皆藏弄在家翁好孫別
受孤辰錫蘆中眠鴈竹外梅以此曾當洗兒錢清高
家譜欲別傳本自滄江書畫般非梅寫真是吾真若
憶翁時須拂塵洋州竹孤不在徐晦翁獅本終歸輅
人間已老泣硯孫敬護不令寒具洗淋漓水墨七八
幅若出先生新點灑題詩必倩夙好者亦應微言承
與可嗚呼此寶君勿浪示人恐人效我又犯風流過
雨後池深借泛北伯姪遠命家所留鴻鵠一隻
未數日徑去或疑其戀主過巖取李陵雙鳧俱

北飛為起句作一律却寄樂民樓

何故雙鳧忽北飛主人恩重遠相隨
啄餘黃稻抽秧長浴處清波帶鬣肥
此去好寬州鴨打秋來須伴海
鷗歸亦應郵館從清獻朝見陶湖火鶴詩

取老杜長夏江村事之幽一句字為韻以卽事
成三律二古

不獨山中日特長誰知林下夏偏涼
花空已斷盃觴事麥熟微聞餅餌香
釣艇頻來魚見入柳軒難借鶴
驚翔小塘又失雙文韜禽亦情鍾未便忘
今歲流觴固若狂暮春之初至首夏野老豈識時世

粧尚能數番移詩社終然中酒病一旬設贖之招未
騎馬榴花蒲酒又節來會當一會端午下

但有清颺八北窓絕無來客起眠猶綠陰偏愛楓籠
礪翠浪翻驚麥變江官冗宮祠貧亦送身闕廊廟隸
猶懷躑躅何事難歸闕恐負湖邊白鳥雙

君莫羨浣花事幽未若后溪無一事敦寧都正足
何職亦不耐煩終休致君何不判五花事詩務者當
軍國議陶村事子美境花鳥春來困驅使行吟坐
鈔自生事復聒西隣無事睡頰衰老子使息肩相忘
江湖浩蕩地

鶴籠空半鴨欄幽官罷家禽亦莫留北塞天長去復
去西山日暮不歸不忘機尚媿羣鷓避八詠還成兩
鳥酬鳧鶴短長均一失寒江注目倚山樓

端午日有吟

夏淺勝春夏又深嫩芳今有老蒼心人疎草合無媒
徑澗密楓留不雨陰蒲節果來吾適病梅天漸熟叟
何臨姑宜限暑同僧定時或因風送鳥吟

義城倅侄

鳳命

斥馬買江上田及百株櫻為助

郊居滋味和券送來故麥初熟乘艤往獲又嘗
新櫻短律寄之

阿姪買庄送貧翁收麥行載船和翠結屣擔有朱櫻
蔡飯初滋味王場尚打聲嶺南聞又早回此盍蘇岷

次陶湖待漁舟韻

三番期會每歸空，望湖村莽蒼東無分食魚虛穀
雨多情送艤幾樵風翟門不熟松為扇歐舫逾深樹
隱穰應是偷留殘麥在尚書眷打綠陰中

記前歲馬食山田事次陶失麥嘆韻為失粟嘆
溪翁有錐無卓地石間肥開田數畝恐是昔人搜山
處犁底錚然出缺甑搬灰輸饑困登涉庄客常先丈
人後鋤罷高眠綠陰下南風時至財可阜秋來粟豆

實累二量以簞笠何須斗將因看籬作登高秣熟可
嘗黃花酒近村不虞鹿豕食杖策巡田廢頃久東隣
羽林惡難似牧馬公然轡脫手圈畦如月被蝕既上
穗高花損八九汝何恣橫似曠騎里中不使寧鷄狗
當軒下馬麤豪甚兵子正難語可否以此為天亦失
之未免殘俸煩倉守雖知至名不敢諾不如君昧偷
誰其一馬所損何足云可念全失饑黎首嗚呼麥粟
之嘆繼鳧鶴得失未遣吾為忸

廿六日雨中志喜分呈二詞案

老人見戲恐人看絲引杯艸坐井闌今日可修真觀

事雨餘清漲濫觴寬

后溪歌疊前字

南山之南小溪源巖竅視天終若前若此君家廣垠
界何啻鹽鷄誇處詭名溪曰后遂自號主人元欲居
人後作亭猥稱小漱玉時看雨瀑如阜廬開山種豆
未野甌釀溪為醪不盈斗病來搵糜子美詩飲小猶
隱曼卿酒西隣忠義北堂長沒字之交可耐久不合
生逢兩勅敵每厭鹿奉愁盡手達猶能乙是宋五老
而愈健惟崔九前詩稽次筆腐兔後篇沓至筒繫狗
芥天是役太生受看我山房無事否知難早退欲學

公技癢不能堅墨守伏日思八避債臺復恐山童言
在某詩人舊不在此間大家省得三十首爾今何來
闡我境山靈有責吾知忸

次陶湖二律

斗峽秋濤天地迴關東江路本悠哉平吞玉筍諸峯
過屈注金剛萬瀑來應恐怒湍高觸檻獨憐幽澗穩
承盃急流人退閑觀漲何似沉浮在省臺

氣先梅溽潤風乍樹蕭騷赤日雲遮墨青郊雨沐膏
灌休看甕卧漁濕笑肩高秧水垂絲立鷺閑人自勞

次湖伯寄溪西韻

君方年壯四方馳，那與隣翁鎮不離。
溪水以西凡幾會，湖山之外更尋思。
銀魚青笋封餘餉，薛紙元筒別後詩。
如送竹膏澆二老，流觴更試井之湄。

寄清澗亭主人李子平

秉成

李嶽下第伯一時，為名樓主人復以山海之響作
元白誇勝，舊唱得意之遊，足以續瀛嶽帖矣。今於
賦清澗之命畧述仙家盛事，以致余羨慕之意，非
敢強題黃鶴詞列二雀之間也。

竹西清澗兩相誇，未必錢湖羨若耶。
瀛海樓臺皆蜃閣，神仙伯仲是茅家。
須徵鄭畫宛前帖，敢以吾詩映舊紗。
更有雲根傍突兀，此亭增重荷皇媧。

送暑後有懷兩呈

搏沙世界會難圓，落詞負望眼邊松。
下丈人稀出，閑山中宰相又朝天。
笑來詩各如干首，節次齟差一十年。
欲賦新秋魚送暑，颯然清韻不如蟬。

次陶湖

釣臺無恙在陶山，去日深江不減竿。
自是清風同諫議，退來猶許長臺端。

足莫清泉濯紅塵，昨踏還如聞幽語。
悔在終南山澗

次湖伯豐原韻

郭門老魏冷房墓，
雲低留愛諸營泣。
同功雜弟啼池軒，
猶草夢海壠。久樵蹊，
感雨枯荆歎。增吾秋栢悽。

右次夢見豐陵韻仍記蓮堂舊日羣從遊之事附述吾感

霖雲不點碧天長，
老葉微經玉露傷。
新稻欲登先腹望，
熟衣未撥頓肥涼。
書稀關塞三千里，
詩得湖山一兩章。
縱喜諸郎雙引節，
豈如同巷共傳觴。

右次感
趙安岳 尚慶挽

風玉滄江不做餘，
水銜今復獨菴初。
聯翩諸弟朝天騎，
榮煒偏親赴郡輿。
何忽招魂碧城館，
堪悲無主紫霞廬。
老梅植上天葩吐，
曾謂君才家譜如。

溪西七老會以人生七十古來稀分韻得稀字
阮宅移樽白社輝，
誰其主者雪其眉。
皆三朝老而今在，
最少年人亦古稀。
諸客約輪真率會，
首耆催賦咄嗟詩。
盃添藍尾題宜後，
罰酒今何金谷依。

溪西丈東還忠峽

每歲公行作石左，
風師令老莫迴舟。
掉頭不住孔巢父，
服氣自如李睦州。
帆映鵝蘆驪水雨，
宅依紅樹漆巖秋。
溪西小塢黃花淡，
詩境隨人在上游。

上謁 獻陵還歷華郊閱武出橋上祇迎有作
簫鼓樓船已濟汾，
鉞旄仙仗更臨軍。
華陽閱牧寧忘

武灞側朝 陵遠慕文箭繳秋空飛火雨織移晴日
看紅雲天將肅殺張 王怒雷電敲碎萬甲裙
君於渡口迎龍艦我自橋頭望將臺競戰峯巒三角
出洗兵風雨 二陵來柳城暎蔚旗虧蔽箭水逶迤
陣抱迴重觀屬車同感歎退臣籬外輦途開陶右層

溪西丈竟作峽行臨別申贈

后溪秋色待君詩不但無詩更作離詩送詩人元未
易苦吟寒夜不能奇

送秋詩三呈陶湖漆巖碧堂

送秋爭似送人悲秋在猶悲况永辭寒菊欲飄垂老

藥裏桐尚賸半生枝浴堂樽席春翁去湖泉篇筒驛
使知可耐獨當都御史朝：白簡但徵詩

歲云冬矣寒事日催令又縮八穀中穀笏房與
梅分東西頭宛是前年拙境而詩社則太遮落
湖山之外何由寄酬數：此詩去又未知幾月
遍和來也可慨

又徙琴書八小堂山人猶自逐奔忙漆巖早去龍蛇
遠松石深棲魚鳥歲梅亦近床同避雪菊胡留圃獨
霑霜方冬吟族皆停響莫向鷄窠覓和章

次陶湖歸樂亭兩世悼亡韻

十六追吟字：悲樂亭非樂是哀辭壁人可惜久為
栢瓊樹皆推無復枝杜氏從孫尋莫再王家癡叔死
還遲江山文藻何憂滅賴有東隣護詩

李成川 徵成 挽

紫馬吾曾出赤城君馳天馬餞華亭旋聞平館為仙
去肯羨風樓御列行別處新村又秋日尋來舊社似
晨星喪車近過無由送袞挽今緣仗枕成

金僕正 權挽

舊友長思谷口真尊翁晚卜岳園隣古松壇上蘇
孺子仙桂堂中竇有親早振臺島今寂寞雖騎天馬竟

遭迤可隣東墓歸喪日猶是南庭待覲辰

次陶湖閑中禱咏

江田新買脫朝衫餘力仍恢養鯉潭此是溪翁獨釣
處隣舟休近舞童巖

又自述近况

若問長宵所事何孤琴自調答村歌夜闌更和陶三
首始遣詩魔引睡魔

雲頭峽餅佐冰蘂村酒雖平亦過齋此是梅窓寒夜
供休言處士養無妻

和陶

十一月之半天心有改移潛藏陽忽達久靳雪初霏
晚漉能蘇麥新暄已著枝陶湖同此意又送復友詩
復韻謝餽冰魚書中語戲為長短句

昔之漁翁薦鰕于判書今之判書饋鯉於村翁漁翁
世情判書高風此所謂真漁父宜爾錫印五湖之長
陶朱公

呈陶湖漁翁無送尹詞助相棹

聞君新買釣魚舟宜有漁童引棹謳選送海翁三四
閑及春教上軟歌喉

曹偉叔自南漢有問書以一絕謝之

無眠早起見君書：道無眠亦我如何似相看兩不
寐開元寺裏守年除

癸丑除夕

樊己辭樓駱謝鞭白翁偕病住殘年其窮吾自還前
日所倚今難必老天不覺晨鐘來枕上又成春帖寫
燈邊兒童錯謂同渠坐憂患餘人奉少眠

送從弟季良最壽關東伯之行

關東牧守皆仙吏方伯尤高領徹仙玉節初辭丹
闕下金劉已在碧幢前蓬瀛公案松詞好南述真蹤
石字堅家二使誰詩歷社永郎風月獨千篇

次濟大元夜踏橋韻

月晃羣遊界燈殘獨坐宵非無地老履難過浪仙橋
湖上筒來濶關東節去遙可憐離索恨無地不迢

和陶始春懷古田舍

歸去復歸去斯言誰果踐吾官非自休老病朝勒免
強附休退人自願寧不覩君非偽淵明和陶詩亦善
自主湖山社陶公反招遠諸篇迭酬盡一月使十返
所得於陶者公深我尚淺 右述和陶事

我不如杜老茅粟亦苦貧白頭始種樹兒童笑虛勤
欲覓瓊果栽隣多鑽核人僅移侄家櫻今夏可嘗新

以茲春雨餘園少木欣之高軒松作門葱翠映湖津
寧慳一老蓋不以蔭化隣正松已過節速付擔簦人

右乞老松

聞沈宰共甫珙喪車過銅津述感

昔公賣漢庄問我移居處擬分朱陳村相從沈宋侶
陶湖人已來銅渡公徑去哀年紫陽淚又寄共甫許
陶湖送沈宰喪於南津歸路歷飯作艾羹而待
之同次放翁韻

來常款之去依之只為村中貴客稀日暮泥驢度橋
遠春暄野馬繞場飛艾湯聊共故人食蒿餞未留亡

友歸不必相逢苦索句緣詩沈亦減腰圍

清明日題寄寒碧堂

北門藩節何時細南園城功幾月停縱使王家再修
楔無由微獻會蘭亭

次漆巖舟中寄示韻

江平日暖是歸年來往輕舟本浩然吾黨急宜治筆
硯詩翁來信白鷗傳

分送湖南竹瀝膏於陶湖題壺面

前年飲社爭餘瀝皆道溪西自與多今日之觴我為
政不知外議復何如

有以梅花請搜盆鶴者戲吟

健步移梅至歸擔有杜鵑持花易花去不索買花錢

次李叔馨年例壽詩韻

零落親知似晦冥曉天星塵數三羸駭壇棄去松留
翠壽杖分遺竹帶青琴每橫床空自聽酒令增戶未
同傾愚兄髭短君常笑豈信新功進暮齡

和陶靖節時運四首韻

老未服勤納祿于朝區處散人有此寬郊彼退耕者
亦自雲霄笑矣新農毋擾稚苗
陶泉始流盤水可濯試望郊原春氣盈矚智也無涯

年數不足翫歲而生逢春且樂
斜川始遊將浴乎沂春天真樂二子其歸絕交既草
五絃復揮中散雖遠廣陵可追
新陽啓壑亦開吾廬依然水木統此二如甕牖雖狹
亦潤于壺時於蚓竅倡汝和余

和勸農六首

耒耜畢出里甚閑民之既無偽麥亦有真年耕既半
瓜種相仍不穡何食辛壬餘人
維歲上辛 王祀先稷朕福非邀民財冀殖而為其
子敢不勤穡非民食力 王實汝食

時維東作日漸南陸甘雨潤漉惠風清穆耕者遊者
偃偻相逐翁亦觀圃同我耆宿

余本弱喪未期悠久偶遺鬼錄漸失隣耦長沮無溺
孰偕南畝荷篠而返行者拱手

老當歇休士固窮墮七十之翁更何所冀督見耕耘
其秋自至惟茲粟麥飽且無愧

村俗雖俚不以夷鄙其所揮者兵子儒履鄉約雖嚴
難納于軌率以務本民風自美

和傳雲四首

花晨柳夕每多風雨湖園可遊泥路伊阻一詠誰和

孤琴獨撫君好德期我不再仔
松津杉浦望常冥濛孤帆時去中有長江、山十里
皆八子窓所懷一人獨不我從
形豈枯木春則散榮華有奇花老能緣情人可西還
鴈亦北征歸舟浩然春水方生
其人雖遠其宅伐柯欲以舟往風且清和水餘舊魚
上水應多試問漁師所釣幾何

題東京百詩卷贈別湖西伯李叔謙

壽沅

東京考滿百篇詩、社新歸坐席安又管西湖風月
去錦江殘小若為支

海即丹字三千首湖伯紗籠五十州誰塵吾家元白
倒錦江新使最風流

謝南谷相公惠八味齋

公不騎箕蓋有因仙糧分我又何仁欲留庚月晨相
配久絕泥雲晚更親白首免為東閣吏清風自卧北
窓人圃翁報禮惟盤菜肉食須知此味真

送陶湖宋台退雲李台

真壘

舟遊丹峽

青簾白舫自忠州逐子之行其客遊江路尚寒穿雪
峽水花初發啓丹丘仙巖未共三人占幽洞休從八
判留舟上彈琴應北顧清音那使軼卽酬

寄兩尚書丹丘舟中三律

碧府先登閣丹門緩進舟江平夔子峽山擁岳陽樓
宰相回翔地神仙謫降州何妨致仕後暫作使君留
遙詎丹丘舫今維玉筍峯藍青潭百尺花簇峽千重
溪老如相待巖仙亦可逢後來陶共退果發洞門封
退陶為丹陽守書丹。洞門四字於龜潭口以表丘
郡境今兩台自鄒一陶湖一退雲故落句云云
四郡非生客實潭所熟語筍峯高插一花嶼巧排三
呂舫曾同載洪亭更上探猶思秋泛羅宵宿玉泉菴

四月二日赴偉友初度席於溫王城中庚戌此
日亦會南橋

翠微携酒遠尋翁南漢南橋此席同花事已闌三月
後君顏無改五年中輿回北院春林綠杖倚西臺夕
照紅彌勒降辰今日否如何湯餅設琳宮
暄風豈為落花來急雨還如赴席催鼓響火乾猶自
濕林霏日出苦難開潁川二老同扶杖好時諸郎次
具盃收拾餘樽宜返社詩翁新自漆巖迴

國清寺設泡飯

行宮西畔是禪家遠訪寒山石逕斜釋氏城中乞香
飯劉郎洞口覓桃花空林自振真筌籟古堞今閑萬
礮車補綴清和更有色暮天看起赤城霞
天台山有國清寺故

借用台
岳語

南漢山城感舊

山樓粉堞帶奴緇淨地三間顯節祠天上胡懸空置
嶂江頭人立尚夸碑平時無寇窺峻嶮小尹娛親宴
洛司話到丙丁偏感慨其時甬祖亦登碑

西將臺

平明鼓笛導山行千仞臺高霧未晴刻却吳山無虜
馬環來漢水有方城花紅一任唐宮閉木老應先丙
戒生仰認 皇壇朝海意去年 臨此亦凝情
輿行躑躅林中過行宮歷四寺宿南壇僧房

巡城一逕帶林長故緩輿行不用忙祗樹已飄天女
馥宮花如帶 御爐香繁英插紫伶奴帽新較陳青
揔擬觴飽看春山欲歸臥吾家幽處似禪房

顯節祠

南城標對五賢祠山若增高節可知曉鼓迎神秋鶴
引春窠拜帝夜鷓詩高壇已等酬息地新廟今從顯
烈視邦典獨隆天有感吳家何在腹中見

遊南漢歸更寄曹老

三日遊猿九寺禪諸僧笑我老猶顛別時南郭登殘
照遺恨西臺八暮烟移酒可開溪舍席載詩新下漆

巖船山樓高處那便睡吾自村齋晝亦眠曹述有不眠之病

浴佛夕登舍後鷹峯觀城內燈火

荒村遇節冷無燈瞰洛高峰逐衆登熒晃干枝看霧裏猶誇眼力老如鷹

題溪西翁後閣所藏遠山畫障

相如自有小家山縱幻丹青亦翠鬢應是主翁隨入畫琴棋壺側見蒼顏

次湖伯共陶湖較遊山韻

帝舟上瀨終多苦馳駟看山豈是聞爭似后溪閑坐叟道然坐對小盆山

借東隣灘隱竹障

小閣八新暑清颺何處借人道東家障風篁灘隱寫謝君則復以春盡日在后溪

馬渡橋猶在鶯藏柳已深人存深墨面樹亦老蒼心佳友是前度俗流誰一尋當時兼送處其日巧回今

庚戌君則以丹陽障過郊居有不知饒春恨可似送君心之句五年制畢後是日又來過次其韻

次陶湖棋罷韻

眼看時物日趨功穀雨催之又麥風仙棹往回花峽內客棋羸負樹陰中南宮月舫詩添載西塞烟簑釣不空去作三公徒良狙不如漁父以長終

青潭打魚舟上同宋吳二湖長次老杜泛舟韻
新鮮先供問誰船網集青潭十里天斗浦獲多盤再
設陶江歸遠纜催亭退人寧泣前魚袖饑客要登後
膾筮不必春波變作酒：泉有弟送如泉

疊青潭二韻送文甫令還峽衙

三載哦詩臥盛山瓜時歸棹峽民攀岷源漢口去來
處僻郡名曹出人間漁政結網魚供白獵塲圍索約
擒斑江湖雜樂終嫌淺五月重穿雲木還

又拋漁艇上官船五月夔灘若上天雲浦過呼元伯
載陶湖笛被石翁亭坐碕吾獨垂空釣歸峽君應憶

此筮莫曰有詩難遠寄郵筒浮送有筒泉

青潭打魚復次陶湖二小律韻

舟子急收網主人方捲蓬魚肥鷺穀雨鷗颺一絲風
獲雉誇漁社分腴及圃翁炎天忽蕭瑟膾宴已知終
臨水柴門正連村麥逕斜網圍紅鯉崑竿曳白鷗沙
送酒舟如葉催詩筆有花便風可泊此休道廣陵賒

重次至禪軸豐陵韻

僧自空門訪樂天人止畫獨在凌烟端明詩偈擔囊
秉貫釋瓶筇賜第前一老今遺真偶爾舊篇重荅益
依然如何暮界饒悽感悔結禪家綺語緣

湖南伯送笋餉詩社同溪陶二公以詩謝之

南筍千畝屬封君供奉詞場又策勳
瀝八鄂筍遺老杜筍統簣谷飽饒
文欲醫塵胃無如竹惟恐詩腸未
洗葷此惠二公宜共謝籜龍三束也平分

又謝送團扇

玉版含風已八腸團二月到又肌涼
都除煩暑寧癡叔竹阮賢於枕扇香

和陶湖失得舟詩

綠林豪客亦風流青翰朱絃各被偷
近日春江遊舫盛同君欲覓載琴舟

漁僕歡回告主翁亡舟無恙返湖中
水濱之事休疑楚吹去西江是曉風

君失漁舫我底悲為曾湖上共騎嬉
舟今還浦魚加長敢問東津再打期

松石軒次君則韻

松瀝為籬不實狹湖山無障盡呈窓
來人下馬徑看竹主叟捕魚方在江
柳外客歸携鶴一林間燈現其
螢雙欲知前夜詩多寡家釀全乾少
麴釵

次杜韻

松石軒前許卸鞍尚書禮數本來寬
莊濠日暖知魚

樂岡野天晴見馬盤殘客罕來門不熱老人多怯境
逾寒醉題壁後還舟去潦草君應一笑看

登臨陽亭子次君則韻

閒雲潭影幾番秋尚見林間閣出頭翠檻風猶颯而
至朱門焰已漠然收舊賓今到綠苔樹公子不歸春
草樓起滅榮華浮世事慣看翁立釣魚舟

謝湖南伯造送詩筒

封君啗竹猶未已又製詩筒貢詩社湖山風月細其
中借驛遠寄溪廬下同函薛嵒又生色錦水風流許
亦可筒方筒方甫去更作鄂筒盛酒迴慎勿六月將

詩來責和

答湖西南伯

當今方伯皆詞伯比古杭州與越州更底崇陰能判
此兩家俱訟好風流

題湖南伯邊山詩卷

蘇來廢寺斷鍾聲三月邊山趁聽鶯黔浦鎮官修艦
待扶寧客舍掃花迎浮溟盃視丹丘舫寄洛筒傳錦
水營莫笑畏獅難掩拙猶逾打鴨自稱貞

李都正光朝挽

春堂詩席猥周旋公以童顏坐首筵獨立靈光疑閱

劫一登黃鶴便升仙
聯珠詞彩空洲宅
八繪風流失洛賢
伏日飛書會諸老
君邊何事只哀篇

仲夏廿九會之第十五日南橋翁又以廣府養

移設一席遣騎邀諸老十餘里冒大雨赴集

朝馳鄭驛赴城西
不憚蘇端浩蕩泥
徧濕緋衣敦正集
旋呈綺饌廣州齊
凸樽急雨同前夕
落檻新滿更后溪
中伏可臨吾舍否
莫登南漢看人依

初四春席賦元字

溪西又設雨中樽
再借油衣自遠村
隣老扶鳩齊到席
地仙如鶴獨乘軒
俱能醅類三分醉
相對蒼顏一

笑濕從此可輪真
率會家三酒肉有曾元

和湖西南伯風流訟詩

新城樓堞望如霞
築土行觴妓擊鼉
應笑熊津大都督
詞垣小捷便鏡歌

次陶湖

清蟬冷露雨之餘
已覺新涼八二如
未短築親催子讀
紈團扇退似姬
疎私情具疏捱
牌後秋與名篇
撥節初聞說石軒
傳大硯可能磨
供小詩書時余忝匪
分之餘有

陳疏
牌之事

新秋吟

杜鵑啼盡樾孤犬吠風花玉露閒來草金甍雨後柯
論詩無賈島問字絕侯芭松石秋應熟殘賓每自何

十五夕反去秋無月詩奉寄溪西湖上

前秋圓魄掩雲端無月詩同西處看今夜兔無些子
隱暮年人未大家團南都罷節猶開宴東浦迴舟更
倚欄縱得清光吾獨拙石池孤照數方寬

川上有作

前川隨柳吾閒步濠上排萍魚亦遊其樂可知同活
潑憐渠獨有網罟憂

灘邊石藪陣圍如織笥承流不漏疎此是田家鋤後

事秋來稻飯可無魚

賀從第一善倅築府城大起洛南樓

豈獨名樓擅密州月波亭外又南樓層譙高並金烏
堞曲檻平臨梅鶴洲滕閣流丹都督駐蜀城如錦拾
遺遊吾家湖海元推爾百尺欄干卧上頭

陶湖甲宴三絕句為壽

陶公孤席鯉歸厨客盡漁鄰顯者無早已扁舟來
此樽前誰獻五湖圖

圓翁何物壽漁翁春韭非時有晚菘欲洗從前梁黍
臍除非味入腦中

七十而休已罕倫公能早訣太平辰滄江歸卧許多
歲始作平頭六十人

又次陶席七律韻

客造尚書度釣汀松門出應有樵青生朝餅宴秋花
圃晚日魚厨春草亭寅降半凋誰共老卯酣皆爛子
先醒每於此會思君錫歸樂來泉不忍聽

郊居秋味寄尹伯修西銓辭軍祿

郊居問何好秋到自當知西澗魚來筍東家酒八簋
野糧鴻可啄祠祿鶴胡糜乞以將軍告輪流醉衆春
寄題真珠七分堂

越宅移成足詭杭竹西老屋尖輝光黃池送木山修

館鬱甚如萍海作塘昨日仙何今日俗三分詩愧七

分堂未窮八景由来恨在扶桑紫萼將右屬作堂者家

甬底歸時別起樓替人元自永郎流海山八百輸珠

館風月三千歷石洲丹籙君應名綴尾碧籠吾敢句

題頭三分仙欠將詩補未十分完定不休右屬主人源詞伯

斗浦待廣陵尚書般

帆遲應不得便風盡日須君燾島東過午童言來一
葉攬艤人似廣湖翁

鷺梁迎謁陵駕

塵淨重陽雨梁成九月天望 陵秋樹抄巖駕曉鍾
前 鳳帶褰高檻鶴班列小舸挈舟臣亦到同罷蹠
鷗眠

駕渡後暫遊龍湖上挹清樓

龍舟側畔繫漁舟波是 君餘可泛流欣覩 翠華
來皓首亦看霜菊映黃頭明朝鷺渡應回輦九日龍
山更上樓好是江湖太平事吾 王無疾我民遊

曉瞻屬車次陶韻

仙驛初離 闕軍容已在汀清笳咽秋籟火箭綴晨
星佳氣遙浮寢祥飈穩送舫公非隨 駕隱嘲罵任

山靈

恭和 御製賜顯命小銀杯韻

銀盃斟賜舞勳臣戎宇鐫心 聖訓新宜與此鐫生
死共奉 君長作太平人

金莖不賜漢何薄酒量祈天宗太勤海戶溪杯誰敢
恨 聖恩猶許帶微醺

五松齋同君則次杜韻

蕭淡溪西宅秋光叟主張峰為羣石長菊繞五松堂
焚鶴糧常乞床龜壽獨長君平今得祿世亦不全忘
白菊晦至陽朔大雨三晝夜秋日以歸矣南漢

看楓之遊又似不成不憊無聊題寄曹宋兩案
十月蕭蕭雨溪堂獨送秋悲懷同宋玉好約負曹立
楓落山城見荻飄江路脩何日致二妙殘菊共簪頭

憎雨吟寄南城主、偉叔

十月之雨豈時復徒能沮我山城行西將臺尖霧猶
昏國清寺前楓不明餘觀只待天往月十五方臨又
作雨黑雲壓城不可梯何處又借修月戶辛勤遣騎
遍請後再煩主人書送止陶湖又以家慶辭彼雖得
意吾敗意撥棄官厨四客具省得山樓百首詩增我
無聊致君病戲劇無非兩師為君常傲我小方家亦

有莖楓照澗窪寒魚在苟酒入篔簹草、排雷負亦設
君曾帝率是老漢此迴宜為我牽率借問高城幾日
下亦欲預招三人者

南漢之遊又以雨敗溪西宅夜賦

玄冬連窪豈天饗似禁吾曹老陟高不貸黃花今盡
打何猜明月又深韜迢、南郭來殘角寂、西墻過
濁醪不是雨聲應欲霽夜闌風葉忽蕭騷

金令伯温

鎮玉

壽席次主人韻

四朝生老涵濡共二宅悲懼閱歷俱我早識君從騶
角甥能壽舅及懸弧盃觥已減中年健絲竹猶添暮

境娛何不同吾營晚築樊居看取后溪園

寄白下太學士尹仲和厚公亭記堂額峯名

垂楊下隱后溪村青壁開為一扇門欲勒磨崖四大

字備公他日八桃源右請書后溪洞門

卜宅元因此一拳碧玲瓏歷鑑中天坡翁定價金曾

百若得公書可直千右請書百金峰

人來與谷八壺如壺內誰知地有餘吾以名亭蓋取

柳請君為記又書諸右請二如堂記文及堂額

次陶湖聽禪史韻

郊扉冷落一冬局投雪來人恠不庭棋子納奩賓且

去桐孫在膝孰令聽難除一病吾耽句勸了諸緣姪

送經豈可聞於無極老應嗔梵字照秋螢無極老指君別

次陶湖源流新齋韻

澗觴泉出谷之幽其委非遙即漢流江睡蒼茫通斗

尾水觀親切就源頭新成宴室應名觴曾宿前軒整

繫舟猶送二郎雲裏去何如老圃並見休

溪西丈借吾劍南八十後集去看數日還之曰

吾詩之健不減放翁自今無以石洲目我故戲

作前後八十四歲詩翁歌却呈亦一笑

鄰有八十四歲之詩丈自謂可配五百年前陸放翁

吾獨謂公之頑健勝劍詩則是蘭若翡翠之鴨江南
東公以陳黃降我評紛，爭訟盧仝馬異之异同一
日借我務觀季集去意欲相倚鯨力於陳卷中陸翁
彷彿來酣戰懃白鬢逞英風終然八十餘合無勝
負始信二老一體難雌雄後生敢論老石洲前身果
是陸大蓬公無苦貶江西派我今敬歸南渡宗別有
覲公神明過陸處懃吾輕薄負新忠沈園風情錦城
詞翰此皆蜀幕少年事老歸越後緣都空子野鷺之
徵仲蠅頭皆古人八十後事陸翁所無而有於公不
有文君畫山筆何能助公墨妙老去愈妍之敢就同

中異處目兩公之則詩仙而放翁徒詩窮

同城東耆社諸公次東真城西耆會帖韻

請看城東耆頰亦九齡泥途人老絳霜雪柏鍾青
前輩風如睹吾曹事足聽 神孫恢壽域祥又海呈
星

梅樹下次豐原韻兼寄錦伯

庶枝半稿我同陳嫩葉方抽似爾新梅驛詩章未獨
罕籌司公事署應頻經綸誰了平生志文字難休宿
世曰閣置筠筒篇不續錦城亦有不聞人

送伯承宰赴安邊任

龍江宗伯鶴樓賓仙鶴目騎作主人西蜀回翔令宰
相東瀛巡按舊仙真香娘歌曲腔傳女徐等風流頌
在民啖釋王梨嬉遊處御孫又生合公相

詩要東園翁叔馨尋梅一來

各作湖山隱俱聞偃蹇聲可來唯鴈弟宜訪是梅兄
腹壯水狐過腰輕雪馬行新琴復抱至鄙哉欲同評

復次晦君除日述哀韻

守歲無悵雪屋寒朱門此意底相關盤中椒頌誰來
獻燈下蓮經獨繹看賢侄已知榮可懼老臣寧以壽
為權如沙春屬總搏聚爾又何心覓遠官

乙卯元朝試筆又次豐原韻

春令先融大半寒詞功尚隔一重關文章吾欲收鞭
退勳業君猶引鏡看我庫清霜暄亦凜詩簷早旭曝
堪懼社中新禁知乎否最忌鹿人其熟官

次溪西除夕計年韻

行年追數自無眠笑到期頤忽黯然若道老人忘近

事絳翁郝記六身年

溪西隣有石柳尹九十翁元朝
送女奴致言曰昨夜計吾年皆

錯不詳
記云

全坪君鄒夫人朴氏挽

佳婦初來最樂門白頭紅袖賀如雲清心不減家樓

遜慈教須者女惠温比玉餘徽在張誅埋香新碣立
梁文含飴晚福左堪艷隨樞總功四十孫

和寄漱玉居士

老眼驚如閭闔開雲卿顏向入詩來出金詞響遙鏗
擲漱玉泉聲並注迴嶺峽新篇初出世湖山諸社競
推魁吾衰格力何如昔近休復看十五梅

次叔馨乙卯壽詩韻

我住城南地一偏吾誇漢水在門前雪中好過琴安
道橋上時尋梅浩然太華半山吾不愛鍾陵一壑彼
何專同歸壽域左堪喜明歲還他賀七篇

梅下日吟小絕八首

非故避之開無如寒勒住似恨主人貧不能重幕護
日：候梅下前宵數點破元宜用稍：免得一時謝
開門見松雪閉門看梅雪一般淡白色惟以香分別
幽居在空谷同隱獨寒梅時：出山去輒被尔牽迴
冷淡甬心腸清虛吾肺腑猶含香共詩未禁時：吐
城中誇早梅已有落英歎當輸臘後花新春首爛熳
一自奉名花舉家焚酒釐春盤誰送菜回以壽梅君
驚破梨雲夢晴窓朝日生不言惟自笑有態却無情

次沁經君則韻

殘更鼓報舊年終已見春歸曙色中
桃葉渡開前夜雨梅花信點首
番風欲招社裏二三子先賀溪西
八五翁君獨遠句盞米去莫教香
會酒尊空

祖江春浪燕墩前穩駕平乘若生
天宛轉城池臨甲渡蒼茫風雨憶
丁年兼暮席次優為老元禮舟行
更似仙村社鷄豚差可戀鱸魚去
斫未為賢

寄鄭一羈孫時迺豐太守請齋柳
雲卿山統

每誦先生喜麥詩雲孫為吏祖為
師空山畚粟頂寬稅所樹者誰是
伯夷

送狼川倅金士修

官角微飄犬吠雲臨江茨舍縣齋
云是間亦有鳴琴

宰能繼靈昭舊使君

士修仲叔能琴曾宰麟蹄

演陶湖歸來絕句為迺驪魚識 邦慶

青潭漸淨水如天忽有春帆出
甚前 聖誕宮中騰

燕賀人歸湖上理魚艇朝廷
仔見唐朋去廊廟方論漢令
齋欲覩三軍新喜氣扁舟
又赴 御壇邊

識喜

中州近說紫泉清應在吾東
聖嗣生乳媪走陳知吉報
至尊親抱試呱聲屏錢玉果
朝臣得珠襖黃襪內殿成
長樂溢歡民鼓舞有司何不
請豐呈

次吳伯教打魚會韻別其叔春川府伯文甫

東湖一帶抱村壩仙侶移舟柳映灣學士堂中不賜
暇漁翁船上每偷閑總官昌善寧思峽終愛清平又
八山好載網罟千目去錦鱗春躍二江間

次曹翁從兄弟燈夕酬唱韻

清觴病未泛春初燈節人猶卧二如南漢雖煩三折
簡西臺未可再飄裾綠陰漸遍諸花後幽磴微鳴小
雨餘頻視吾廬應笑拙頭長鈞倚空虛

送陶湖宰夏八金剛

既爛思之避熱官尚何山水累心端前年四郡令楓

岳北似趨朝日：鞍

資行自有新方伯問勝先從舊使君吾亦何能遙指
點歇樓須讀上標文

正陽寒雨好燒香朝起看山面：光四八金剛皆宿
此至今難忘在禪素

又廣湖打魚日再贈

自無官後卜村鄰漫弄聊補二逸民細雨不歸西塞
叟清風常卧北窓人如何五月治遊屐但惜三旬緘
釣綸老圃餞行唯有菜還慚午飯飲江鱗

松石軒雨中呼韻

輿行緩々，竹屨鳴待我。漁舟盡日橫，鴨綠不深江。半
減倭紅自燒爛，偏明新鮮晚。獻幾多尾喜，兩宵聞第
一聲童子守。蒼應未宿吾家小，壑水方生。

寄陶湖

齋內藏山付稚孫，翁歸與鶴候松門。石言楓岳爭如
我，良苦關東走一番。
新雨流乾洽一犁，高田低土種秧齊。兩翁別有芒々
事，君覘漁隈我理畦。
黃梅時雨屆端陽，蒿餅蒲膠節食香。未害退官無賜
扇，茅擔自有麥風浪。

前秋墨台新太守申君

京夏索別語而吾先求

潤筆蓋欲緩其督也。今果如請送墨詩，烏可獨
已聊以一絕塞責。兄真耽句而弟為貪墨人也。
笑々

徵文令急若為寬，滋筆先求萬杵丹。今得玄珠未足
喜，將詩副墨覺逾難。

賦 寧陵雨

飄灑 寧陵雨知時，自上游涵濡民尚在。滲漉歲常
周野，騁纏袂馬溪來。販柁舟園官別有喜，瓜蔓綠綠
疇。

次題陶湖楓岳行錄後

歲二詩篇載舫還前江內水盡窮源金劉玉筍輸詞
彩萬瀑雙潭漲墨痕沆灑八烟寧念祿湖山盈眼不
窺園完名清福休多取猜殺人應不飾論

介洪甥孫送扇尹蓮逋覓來露頂灑松風圖謝
以長短十句

白羽何曾揮大暑長松不解來清風不如移入良工
水墨囊筆掀松舞生蓬口圓月終投紫氣宅快颿已
發青蘋東颿之吹頂園內外吾其彼翁涼意同謫仙
詩中自有畫南宮筆下魚生虹為詩謹謝一涼恩敢

以此功歸太空嗚呼不盡清風其雲烟傳自神清金
鎖之洞中二如之壑少不揚莊園更乞龍眠公若問
吾境勝若何寒流壁上三株楓圖邊又題穆如頌佩
君佳惠安終窮

和溪西將歸海山韻

溪西丈將毓脫濁世而歸宿于神山笙簫樓殿非
待樂天為吾丈而設也可賀然欲次第携鄙輩去
而遊戲其上重作天上社員則慄焉不敢聞命蓋
達天命未及如丈故也至若丹髓之許報腥腐敢
不拜嘉第將何路而致塵間乎竹西詩太守適餉

萸漿葛粉故輒分刀圭冀清爽口未知此物宜如
何報好笑

誰道白蘇歸道山尚爾遊戲於人間踟躕不發綠何
事應戀朝雲與小蠻

贈申罔正 致謹 八燕

三旬暫閱周閑馬六月還隨漢使槎太僕餞筵將贈
柳華亭西畔是儂家

記前歲秋首日有三絕句賀崔丈經暑無事分
寄陶芸是日令回而夫子適去秋之氣本悲而
今日在似悽慘詩社舊事不忍公止便廢略述

悼榛先亦陶芸及靈座之未撤寄陳于前三首
知己新秋到桐間晨露流如何二如閣懷似喪應劉
社例新秋賀如前廿字題已知無寄處猶寫屬溪西
新秋尚炎熱詩社獨悲涼人似殘蟬在淒清明夕陽

次陶檢崔詩韻

老龍藏言死急宜收碎金不照隨其人泉下埋深
歐公序蘇集正憂蘇土侵周樂八江海尚恨遺聲沈
公帖人藏壽二家獨如林誰先整散落陶老尤有心
牛腰百篇軸清韻皆何陰欲托漆巖看宜向松石尋
聊效國輔體作公山松吟村盃不足餞欲借東江斟

前春悼夢婆昔歲亡名槩皆割衰老腸惜毒無如今
君悲尚如此我懷又何任請看哭櫬淚偏濕何人襤

次陶湖泛月韻

此夜方懸月三旬久閉雲暫窺幽谷底快覩廣湖濱
菊閣先秋氣松門掃暑氛難招詩老共孤咏不成羣

祭告溪西舟櫬

晚谷崔公之喪以乙卯七月十九日甲寅舟載廣津
永歸東峽春社少負豐壤趙某來訣江辭侑盃之辭
不以文而以詩蓋不忍死公而遽廢故事是亦驢鳴
吊喪之義也嗚呼一老亡而二社傾矣千篇完而萬

事休矣吾安能無慟死生亦大矣公能以戲筆了之
今日臨江之哭其必適然而笑我輩之情鍾也嗚呼
公既自謂死於詩則余亦將以情死耶悲夫

右書者失套

幼聞里先生作詩如石洲晚始謁溪西仙也非詩流
清滑鸚哥音猥以喪吟酬精妍老兔尖每有薑芽羞
吾自號王孟公笑不點頭敢問公所安非權乃陸游
公豈食宋粟唐域八宜優如何老仙壽亦到放翁休

右叙贊詩請教之始

公真後放翁二社皆押主洛陽諸皓賓皆為公奉優

中權在溪西詞幟爭來赴三霄賦雜體九日聽長句
克國雖矍鑠延伯真如帛猶畏綠衣噴未窮青燈炷
耆頭遽哭聃詞聲誰替社縱欲整舊社如此翁難過

右述詩香兩社周旋之事

人裏已愛之公香逾惺之平欺朴尚書笑傲洪敦寧
厭之氣憐餘耿之神如瑩平生五色筆揮使同壯齡
唐聲與晉法玉鐸而珠熒曾投白社篇每博黃庭經
今晨淚落帖碎金留星之休悲老成亡此乃公典刑

右述寶玩詩筆之事

落之松鶴姿奴隸皆知仙誰將瑞伴妖欲拉洪厓肩

羣童好欺老一帖誰辨顛以茲倦吟哦凡月間數年
公詩告絕筆我琴要續絃麟後十三首談笑且留連
今朝真絕矣我輩安仰焉所以陶湖翁遂輟新蟬篇

右述臨化時事

去歲溪西會諸老稱觴駢今日郭東路何人來祖筵
遭徊箭郊側睠顧陶湖邊欲附元禮載虛棺唯在船
離觴進不空江水同湛然日暮廣陵散容与棹詎前
他仙寧入土孤雲應上天去白逐與蘇同為識字仙

右詠哭訣廣湖之懷

為哭溪西表般往宿陶湖夜坐同次杜律韻

更于何處一樽開
惆悵松齋掩綠苔
秋暎安扶玄櫬
去曉江賓策素車
來詩曾百首
又千首
酌僅單盃
無
兩盃遺草十編舟
上贈此遵治命
泣孤哀
不省松軒為我開
藍輿先踏小山苔
主人急整烏巾
出童子初收鯉網
未纔返前宵
泛月棹更留明日洗
鋤孟田家此時多
幽興
宋玉雖秋豈有哀

廣湖歸路歷登華陽亭濯熱却寄松石主人

藍輿偶出箭橋東
郊色先觀黍稻豐
江上小堂辭蘓
藉樹頭高閣坐玲瓏
夾城三角朝看氣騰苑
千駿晚起風堪笑
峨嵋山下老一生
不識水晶宮

再疊東字

今年人樂里西東
破硯雖耕獨不豐
問禁雜傾金鑿
落緣貧欲賣碧玲瓏
舊交社裡猶依月
新責班中敢
接夙老長開堂
宜共聽華陽亭北有禪宮

次陶与廟堂諸公酬唱韻

野人詩入廟堂中
豐樂都推列宰功
帝力猶忘况臣
力名應見笑壤歌翁

三疊開字記收粟

山童晨報粟房開
數箇前宵墮點苔
烏角先生親拾
往猴頭隣子數偷來
旋煨爐裡同兒食
餘飭盤心侑

客孟絳實既收留錦葉秋山光景不悲哀

四疊開字詠蟹

病夫一見已脾開出網腥風蟹拖苔海上嘗憎依藻
遁溪邊今喜帶芒來形模敢列萬錢案風味偏宜老
瓦盃當食君休嗟甚美渠將糟處伏湛哀

五疊開字

茲山本閉悔輕開之後巖崖更不苔出徑近朝盧隱
淺虛名出谷漢徵來玄琴未忍留空壁黃菊應著八
別盃吾不西行有如水清湍休寫送人哀

六疊開字咏帝匏

長蔓相纏撥不開累々頑塊臥睡嘗貧家幸免青銅
買老圃頻擎碧玉來拗頂爛蒸堪下飯和螯交嚼可
無盃要令肉食知斯味菜色鄰民亦孔哀

送陶湖尚書起按北闕

如何五日頓停詩無乃除書敗興為松石百篇其
勘否城津八首欲和之雪山公去應添重秋水吾臨
竊獨悲往護北門然後退老臣方答主恩私

詩呈陶湖薦村鄰歌者八幕

山中賁物有喉珠獨夜愁時不可無去後繞梁散裊
來時響屐意區々揚耆窮欲依坡老陸安衰難佐

石湖若退雪兒延鬣客勝如前帥捧茶奴

新韻寄陶湖

非敢為高效退顰只憂松石失詩鄰辭單幸許歸新
里除命還驚起廣津好借空廬充隱士亦曾虛艇攝
漁人東湖魚鳥西湖樹管領今多可免貧

山陰黃使君仁甫是以平涼笠見贈詩以謝之

故人遺使蔽秋陽哀頂烏紗欲禁當筠質不鬆留本
色笋皮交織有餘涼瀝巾遠笑北窓亮雨笠將隨西
塞張應與吏民同著此黃庭寫罷生黃堂

與諸姪孫遊楮島宿奉恩寺呼韻

江日餘輝映晚沙島櫻非御乃紅霞秋霜未染園陵
樹曉雨疑飄祗苑花孫韻先成毫欲罷僧泡不淡肉
何如梅堂長老今誰在如汝年時所宿家

從仲氏舍人公在 肅廟乙卯秋弱冠登庠其

第二孫載遇復以後是年成進士奇哉況古今
乙卯皆有司馬春秋榜今遇也不利春會留捷
秋場事，湊巧必鍾祖武此雖小成亦殆天所
相也此子也才佳辰魏第又當如大翁尤可賀
也舊乙家慶吾猶及觀老白首又見此奇事一
愴一喜惡能不談說旧昔以詔後生乎

從氏茲年早闡場十三兄弟走觀光阿昌又摘秋蓮
榻老惠翻思春草塘詩賦交輝雙墨卷祖孫不斷一
書香吾兄孝處吾能說王考聞科為進觴

次曉起占陰晴韻

許久重雲掩玉繩東湖遲月檻虛凭寒江未利乘風
艇孤寺宜懸聽雨燈非厭熱官寒是分難為富戶產
無恒秋來聚散元知葉寂恨詞場會不疑

次九月霖雨韻

霜逢不預擇桐葉獨蕭、澗雨常垂脚山雲半掩腰
出閔難逐節尋寺未同橈撥路傳筒可誰言鐵嶺遠

再疊蕭字

胡山樺葉脫瑟海下蕭、畫戟陪駢賀紅氍侍細腰
營無入筒布江新採荃橈莫使高嚴帥威嚴獨聳遙

華陽亭再疊沙字

小徑斜穿唐苑沙碧雲初合暮城霞何人冒雨同尋
菊老釋懸燈共翦花進退不過三品止暄涼當得幾
年加江邊精舍野中寺隨乞僧齋似我家

次華寺待我韻

古寺黃花夕荒郊白葦秋閑山蕭索意已在箭橋頭

三疊沙字

鸚粒揚珠蟹不沙豐年醉瑞頰如霞場收馬斲水菰
葉寺古僧簪山菊花按使軒中筆獨載漁翁笠上冕
何加樂民樓畔高秋宴莫忘今宵宿枕家

題林學士老村集

安仁總角我先知况之妻之更友之一去海鄉俱泯
滅情文唯見悼亡詞

沁尹宅作小耆會兼餞止伯呼韻

斯會興衰似洛園近年凋落不敢言耆負若箇鄉三
老淺酌無多沁半樽秋菊已殘如鶴瘦夕楓雖暗有
鴉翻酒闌偷跨鳶龍返壺口小天猶未昏

家承宣直院伏受 內賜黃囊來遺回以佩小

曾孫不勝榮感之忱述喜

癡兒前夕直銀臺 內賜香囊手捧廻况有鬢邊雙
對玉 恩波偏瀉一門來

閔西伯餽紅露示出閔後詩次謝之

錦瑟傍邊莫酒添慙癡叔戒賢嚴閔西羅綺真奇
暖一夜金融魯國男

題思任堂畫障子

果瓜雙蔓掛東隣結妣餘微覩始親散朗神情滿灑
墨元來栗谷大夫人

暮冬雜述幽懷分寄西北兩伯

高秋落葉散粘泥本自同柯各北西
閑塞人歸猶有日海山仙遠更無梯
年儀桂醜初充餽社令梅花已入題
莫日樽前失詞伯二邊詩到二如齋

寄閑西伯

窄室安爐小几仍龜堂世界不恢弘
君馳雪馬應餘地浮碧樓前十里冰
生陽館裡快燕賓寒逐胡未曆又新堪
笑魯連徒感慨乾隆天下更為民

送至悼上人西歸妙香

君同秋葉自何來云往湖南結夏迴
為將一年無一事詩擔依舊手親擡
禪經經湖南僧將
孤村全日閉荆閑但有詩僧寄宿還
萬水千山行脚罷到頭終老舊香山

僧軸中見七分堂主人詠老梅詩次寄

吾家亦有百年梅老處士傷歎申
開聞道一株滄海上偏能勾引使君來

以風雪留僧一宿為彈琴

孤村深雪凍梅花且挽歸僧餉
煖茶強引枯桐無和者宗風師可唱
誰家誰家申乃僧歌也

梅將花以舊詩屏障護寄北伯

君先唱雪我酬梅，下題詩每引孟北驛難傳一枝
去朔雲先帶六花來前年墨在屏仍護此夜香生戶
半開就裏溪西珠玉字不曾人與骨青苔

謝白下尚書自西湖雪馬枉訪

自別陶翁甫息肩白下何事又揚鞭東湖魚鳥西湖
月何不摧停度一年

百金初買一瓏玲更以千金乞勒銘今日元章叅石

文欣然始寫右軍經

百金峯題字起久
新今見後始有書

白下歸後送二律次之

著稱墨妙避詞宗衡硯雖未盡日封臨沼寧揮數錢
筆尋山先造百金峰熱庖遠自水湖徙冷若唯貧雪
水供君問塵琴何用置歲時將欲學鄰春
冰合西江閣釣絲津頭雪馬始權竒尋梅逸興初騎
到如木枯形亦坐馳東壁詞雄新屈社北營儒將久
無詩尚書已補詞負缺何復天曹注職為

再疊宗絲二韻

紛紛詩落自詞宗悔不九泥洞緊封子所誰爭專一
登茲山當割有三峰高風君每辭藩即晚計吾猶待
郡供起寫顏公乞米帖孤村昨夜聽寒春

不理漁絲理繭絲
漁翁去盡一人奇
孤垂雨釣寒江
坐難勒烟移遠驛
馳臘菜已殘
猶有雪晚仙
雖死豈
無詩永和書法
開元句酒後看
名染筆為

后溪集卷之四

